

**NATIONAL ASSEMBLY OF
SEYCHELLES**

Wednesday 5th June, 2024

The Assembly met at 9.01am

National Anthem

Moment of Reflection

Mr Speaker in the Chair

MR SPEAKER

Bonzour tou Manm Onorab, bonzour nou bann zofisyè Lasanble e nou piblik ki pe swiv nou travay *and special welcome to the visitors in the Gallery today who are a group of Woman Parliamentarians from Zimbabwe.*

We are very pleased to welcome them to Seychelles and to our Assembly where they have been working with our Members, especially the Members of the Woman's Caucus. The Chairperson of the Woman's Caucus will have the opportunity to extend a welcome on her behalf when she has the floor. Thank you and welcome.

Vi ki ozordi osi lazournen lanvironnman, mon pran loportinite pou re afirm nou langazman pou lakoz lanvironnman dan nou pei

prezervasyon lanatir e tou sa ki konsernen avek lanvironnman.

E byensir sa lapel i enkli en remersiman pou tou dimoun ki travay dan lanvironnman pour sa koz e i annan bokou ki fer en kantite direkteman me osi langazman nou popilasyon an zeneral.

An menm tan petet en lapel repete nou tou nou annan responsabilite pou vey lanvironnman e kwa ki i konsern vey bann lespes ki enportan pou nou e ki an danze oubyen zet salte dan bor lanmer, obor nou semen evite e pou nou kapab gard nou lanvironnman prop e zoli. Pour nou benefis e pou benefis tou dimoun ki vizit nou.

Mersi pou zot sipor pour sa lapel.

Avek sa mon a kontinyen avek prezantasyon dokiman e mon ava apel Madanm Clerk pou fer prezantasyon.

MADAM CLERK

Mersi Mr Speaker. Bonzour Mr Speaker, bonzour tou bann Manm, tou bann staff Lasanble, tou dimoun a lekout *and our guest in the Gallery.*

Bann papyè ki pe ganny prezante *ce matin* i S.I 42 of 2024 *The OPEC Fund for International Development Loan Agreement Dept Order, 2024.*

S.I 43 of 2024 Physical Planning (Building) Regulations, 2024.

S.I 44 of 2024 Birds' Eggs (Collection) (Amendment) Regulation, 2024.

The Woman's Parliamentary Caucus - Annual Report for 2023. Mersi Mr Speaker.

MR SPEAKER

Mersi Madanm Clerk. A se moman mon a donn laparol Onorab Regina Esparon, Chairperson Woman's Parliamentary Caucus pou prezant son rapor.

HON REGINA ESPARON

Thank you Mr Speaker, for giving me this opportunity.

Before I proceed with my report let me join you in welcoming our special guest in the Gallery today.

It is with great pleasure and honor that our Woman Parliamentary Caucus has accepted to host the Zimbabwean Woman's Parliamentary Caucus for this benchmark visit, who are present with us today at this Sitting.

A special welcome to Honourable Mbohwa who is heading this delegation as Chairperson of the Zimbabwe

Woman's Caucus and also as a member of the Regional Women Parliamentary Caucus at SADC-PF, were we sit on the same Committee.

Thank you ladies for choosing Seychelles and our Parliament for this benchmark visit to under study advocacy on anti-corruption, issues and understand our electoral processes and resource mobilization for woman empowerment in Parliament.

Since your arrival you have had the opportunity to engage with various stakeholders, namely the Anti-Corruption Commission, Electoral Commission and Various National Assembly Committees.

Today you are our special guest at this Sitting and tomorrow you will have the chance to meet with the Minister for Youth, Sport and Family, Minister Zialor and the Minister for Employment and Social Affair, Minister Francourt.

Two Ministries that are being led by strong woman. I have no doubt that you will have fruitful deliberation on your tour and live Seychelles with enough baggage that will allow you to complete this important study.

And I hope that in between your hectic programme you do

have fine time to enjoy the beauty of our small country and the warm hospitality of our people and go back with good memories.

Mr Speaker, on another note please allow me to mark this occasion by presenting a summary of the Woman Parliamentary Caucus Report for 2023.

The Woman Parliamentary Caucus is listed as a select Committee and it consisted of 8 female Members last year and we was also assisted by 3 support staff from the secretariat.

We have had six ordinary meetings and also met with various partners and stakeholders, namely the Ministry for Youths Sport and Family and the Ministry for Employment, Social Affair and two Ministries that we engage closely with.

We had meeting with CEO of Civil Society Organization and team.

We met with the Alzheimer Association to find a way forward in challenges that they were facing.

On the 8th of March last year, the Caucus had an open discussion on how to tackle domestic violence with French

Ambassador who is also a woman Ambassador.

And later we joined the Ministry for Health, also a female Minister where we accompanied her to visit all woman that has admitted to hospital and offer them a rose.

We had an outreach program with Plaisance Secondary School on the role of Parliament and a join session with the Committee for Health at the school- at the National Institute of Health and Social Services.

We also met with African Union delegation on a work mission to Seychelles and the purpose of the meeting was to find out more about the role of our Caucus on matters related to children, youth, gender and sexual reproductive health and what action had been taken to address legislative gaps and bring changes as may necessary.

And most of our Nembers are affiliated to regional and international bodies and participated in different international and regional workshop, such as SADC, Pan-African Parliament, FPOI , CPA, IPU, Indian Ocean Commission, ACPOI to name a few.

And we also engage virtually with various other international organizations.

Mr Speaker I now have the pleasure to hand over the 2023 Report of the Woman's Parliamentary Caucus to the Assembly. I thank you.

(APPLAUSE)

MR SPEAKER

Thank you Honourable Regina Esparon, Chairperson of the Woman's Parliamentary Caucus. I thank you for the report, I thank also all Members of the Woman Caucus for their work as part of this Parliamentary group. As we all know this is a group that is very active, very forward in engaging with many issues, some of which she has outline in her summery. Which we will recognize as very important for our society.

And thank you for engaging with the group of Parliamentarians from Zimbabwe on this occasion.

Nou a prosede prezan avek Private Notice Question.

E mon ava apel madanm raporter pou apel Vis-Prezidan e son delegasyon pou pran kestyon.

Bonzour Vis-Prezidan Ahmed Afif e bonzour Mrs

Sherine Francis, Sekreter Prensipal pour Tourism e byenveni zot tou le de pou zot partisipasyon dan Private Notice Question e mon ava apel Leader Lopoziyon Onorab Sebastien Pillay pou poz son kestyon silvouple, Onorab.

HON SEBASTIEN PILLAY

Mersi Mr Speaker. Bonzour Mr Speaker, bonzour Vis-Prezidan avek Sekreter Prensipal pour Tourism. Bonzour tou koleg Onorab, good morning to our visitors from Zimbabwe, ladies I hope you have been well received to the Seychelles and you have enjoy so far your stay, but it's also been productive for you.

En bonzour spesyal tou siporter, aktivis United Seychelles, nou parti pe selebre 60an e pou sa i en gran zour pou zot. Bonn fet liberasyon, bonn fet 60an.

(APPLAUSE)

HON SEBASTIEN PILLAY

Nou kontinyen reste for, reste rezilyan nou pou la nou'n arive e nou pou reste Mr Speaker, mersi bokou.

E byensir mon oule remind Onorab Georges Mr Speaker atraver ou ki nou

benny nou, nou napa okenn problemm avek bennyen nou.

(APPLAUSE)

MR SPEAKER

Onorab, silvouple annou pa konmans sa kestyon avek bann remark ant ou avek Onorab Georges, menm si atraver mon. Annou fer sa sesyon mars byen annord silvouple. Ou kestyon prezan, mersi.

HON SEBASTIEN PILLAY

Fantastik Mr Speaker, mersi pou ou konsey ou en dimoun tre sarz mon vreman apresye parey ou konnen mwan mon pa pou zanmen file, mon pa pou zanmen kile e mon pa pou zanmen per pou dir sa ki mon annan pou dir lo non mon parti, Mr Speaker.

Parey ou'n *advise* mwan Mr Speaker, tenir zot trankil *relax* lot kote pa nerve.

Parey ou'n *advise* nou Mr Speaker, mon kestyon pou vis Prezidan i lir koumsa.

Byenveni dan Lasanble Nasyonal ankor enn fwa Vis-Prezidan.

Prenon kont lensertitid eksprimen par bann etidyan STA e prezan la nou'n aprann ki direkter sa lenstitisyon in *resign*, eski Minis dan sa ka Vis-Prezidan i kapab dir nou ki pe

arive ek sa lenstitisyon e ki son lavenir? Mersi Mr Speaker. Nou swete nou ava ganny bann larepons kler e konkret pou tou bann dimoun ki pe ekout nou. Mersi Mr Speaker.

MR SPEAKER

Mersi Onorab. Vis-Prezidan ou larepons.

VICE-PRESIDENT AHMED AFIF

Mersi bokou Mr Speaker. Bonzour Mr Speaker. Bonzour *Leader* Biznes Gouvernman, *Leader* Lopozisyon, tou bann Manm Lasanble, tou bann dimoun a lekout *and special wishes and good morning to the, our visitors in the Gallery from Zimbabwe, it' a pleasure to see you.*

Tou dabor Mr Speaker, les mon deklare ki mon pe reponn sa kestyon lo lapar Minis Radegonde ki an se moman i an Kore, kot i pe reprezant Sesel ansanm avek Prezidan Ramkalawan dan Some Lafrik Kore, ki ganny organize pou la premye fwa an Kore e kot nou Prezidan pou ganny annefe in fini ganny sans zwenn Prezidan Sid Kore, Yoon Suk Yeol pou en premye *tête à tête*.

Mr Speaker, parey nou tou nou konnen Lendistri Tourizm i nou bann lendistri pli enportan

ki anmenn bokou deviz, lanplwa, valer azoute ek *tax* nou Gouvernman. Nou rol konman Gouvernman se siport li e sa nou pou toultan fer.

STA li menm parmi bann lenstitisyon post segonder i enn ki'n furni pli gran kantite zenn dan sa lendistri, in donn zot sa fondasyon, konesans debaz pou zot kapab al deservi lendistri e ranplas bann mendev etranze ki ozordi zot osi zot pe ede donn en koudmen.

Mon felisit tou bann etidyan ki'n pas atraver *STA* e bann ki la ozordi pe fer zot mye pou fer monte nou standar dan lendistri.

Mr Speaker, dayer nou annan plizyer lezot program ki osi ede pou anmenn resours imen kalifye dan lendistri. Par egzanp sa *Governing Board* ki ozordi i konpri plizyer profesyonnel dan lendistri. Zot konsey Gouvernman lo standar e bezwen lendistri ki zisteman ed nou rafin nou bann program *training*.

Nou osi annan program *training Shannon College*. I annan apranti pou travayer sirtou ek bann gran lotel ki al *attachment* aletanze pou ganny plis leksperyans e kapab mye servi ki nou lendistri demen.

Alor nou langazman anver *STA* e tou lezot program i tre kler e i pou reste.

Mr Speaker parey Onorab in dir li menm, direkter in *resign*. Nou rol prezan se pou fer sir ki Lenstitisyon *STA* li i kontinyen fonksyonnen e pour lemoman se Mrs Brigitte Joubert ki pe desarz sa fonksyon dan labsans sa direkter. Lentansyon se pou rod en lot direkter. E pour sa prosedir administratif pe deza ganny fer.

Mwan mon oule asir tou bann etidyan *STA* ki zot napa nanryen pou zot trakase. Si lapant sa kestyon pe met dout lo lenportans *STA*, mwan mon oule dir avek zot *STA* pe reste konman en lenstitisyon kle post segonder e zot bann kour ki zot pe swiv pour kontinyen.

Zot in pran en karyer respektab, enportan. Non selman pou zot personnelman me osi pou lendistri pou Sesel.

Alors vwala Mr Speaker *STA* i la. I pe kontinyen fer son travay e napa nanryen ki pou enkyet, ki zot bezwen enkyet an term son lavenir. Mersi bokou.

MR SPEAKER

Mersi Vis-Prezidan. Premye kestyon siplemanter i pou Onorab Lemiel.

HON SYLVANNE LEMIEL

Mersi Mr Speaker. Bonzour VP, bonzour Mrs Francis *and good morning to all our guest in the Assembly.*

Mr Speaker, i annan. Mon kestyon pou VP se ki i annan bokou lensertitid la deor.

Akoz aparaman bann etidyan STA zot in ganny serten kominikasyon ki'n dir zot poudir sa lekol pe al frenmen, in annan kominikasyon. Akoz mon'n koz avek detrwa etidyan ki'n ganny sa.

Parkont mon ti oule sa an ekrir me mon pa'n kapab gannyen. E i osi annan alegasyon, ki sa landrwa pe al ganny servi konman rezidans pou bann travayer *Sheikh*.

Mr Vis-Prezidan, Speaker atraver ou, mon ti ava kontan konnen.

MR SPEAKER

Bann Onorab LDS silvouple annou gard lord. I pa letan pou enteronpe.

HON SYLVANNE LEMIEL

Mersi Mr Speaker. So, Mr Speaker atraver ou mon ti ava kontan demann VP, eski i vre ki sa landrwa li menm i pe al ganny vann, i pe al ganny servi konman rezidans bann travayer *Sheikh*?

E si vreman sa lekol pe al ganny fermen, petet donn nou en pti detay petet, bann etidyan STA kote zot pou al kontiny zot letid? Mersi.

MR SPEAKER

Mersi. Mon ava permet Vis-Prezidan pran kestyon.

VICE-PRESIDENT AHMED AFIF

Mersi bokou Mr Speaker. Mr Speaker, premye fwa mon tann sa panse sa rimer. Mon'n vin dir zot sa ki mon konnen e STA pe reste. Etidyan napa nanryen pou zot trakase, poudir lenstitisyon pe al fermen.

Gouvernman i pou gard sa lenstitisyon kot i ete e zot napa nanryen pou zot enkyet.

Sa se lenformasyon ki mwan mon annan. Nou pa pou zanmen ferm en lenstitisyon aköz nou bezwen donn en lot dimoun.

Byensir lenstitisyon i kapab bouze demen. Sa mon pa konnen, sa i kapab dan zot plan lonterm. Me selman lenstitisyon, bann kour ek sa ki bann zanfan pou swiv sa pou toultan kontinyen, zot napa nanryen pou zot enkyet. Zot pe etidye ozordi, zot landrwa i laba zot pou kontinyen reste laba ziskan ler zot fini zot kour.

Si zanmen demen STA i bezwen bouz en lot landrwa, sa i ava en desizyon ki ava ganny kominike avek bon letan, me otan ki mon konnen napa okenn lentansyon pou sanz li kot i ete. Mersi bokou.

MR SPEAKER

Mersi. Avan mon kontinyen. Mon'n permet sa kestyon an realizan ki Manm i bezwen veye ki zot kestyon par enkli sa ki nou apel '*hearsay imputation*' e sa i dan *Standing Orders*.

Mon'n prefere les *VP* adres kestyon avan mon fer sa remark.

Me selman mon anvi ki Manm i kontinyen tenir sa remark e ki nou adres kestyon lo fe ki zot anvi gannye lo lenformasyon konkret, baze lo sa ki zot konnen e evit rimer avek *hearsay*.

Sorry, kestyon tousala? En moman *sorry, point of order* Onorab Georges.

HON BERNARD GEORGES

Mersi Mr Speaker. Mr Speaker mon *point of order* i swiv sa ki ou fek dir.

Annefe in vin en labitid prezan pou tou bann Manm *US* ler zot demann en kestyon pou senm en rimer dan zot kestyon.

E fer sa pase konmkwa i laverite. E la nou fek vwar en

legzanp *flagrant* bomaten. 60enm laniverser zot swadizan fondasyon. Zot ankor pe senm rimer dan sa pei.

Alor Mr Speaker, anba *order* 36 mon ti a kontan ki ou swiv sa ki ou fek dir bomaten avek aksyon e anpes okenn sa bann kestyon ki entrodwir en rimer avan ki i demann en kestyon.

This is question time, nou demann kestyon, nou pa vin fer en largiman. Mersi Mr Speaker.

MR SPEAKER

Sorry mon'n tann Onorab Vidot fer en komanter ki i pa agreab e les.

(Interruption)

MR SPEAKER

Order! Order! Order! Onorab Vidot ou gard *order* silvouple.

Wi kestyon pou bezwen prosede san rimer, alegasyon e mon'n permet, parey mon'n dir. Mon'n permet Vis-Prezidan reponn sa kestyon zis pou li kapab dir poudir i napa baz dan sa bann, napa fondasyon dan sa bann rimer e mon krwar sa ti nesaser. Nou pou kontinyen koumsa, nou pou kontinyen avek kestyon bann Manm.

Onorab mon'n fini *rule* lo sa pwen, mon pa pe kontinyen

avek sa *point of order*. Ale dir mon ki ou *point of order*.

HON SEBASTIEN PILLAY

Mersi bokou. Ou dir mwan ou'n fini *rule* lo sa *point of order*. Mon ti a kontan, mon pa pe *challenge* ou *ruling* me selman mon ti a kontan ou konpran ou *ruling*, *ok*.

Ou'n dir ek enn mon Manm ki'n fer en komanter sa komanter pa apropiye e i pa devret fer.

Me selman ler ou Manm lo ou kote latab ti fer menm komanter kot i ti dir nou, nou pa'n bennyen ou pa ti dir nanryen ou.

(Interruption)

MR SPEAKER

Order. Napa, napa en *point of order* ladan. Onorab Labonte ou kestyon.

HON ANDY LABONTE

Mersi Mr Speaker. Bonzour Mr Speaker, bonzour VP avek Mrs Francis. En bonzour spesyal tou bann etidyan STA e bann profesyonnel ki pe travay dan sa lenstitisyon.

Bon, mon konman en ansyen zelev ki'n pas laba, mon kontan ki VP in reasir nou ki sa lenstitisyon i kontinyen reste

for e nou kontinyen valoriz nou bann Seselwa ki pe travay laba.

So, mon kestyon i a konbyen mepriz ki bann direkter in ganny sanze kot STA?

E eski nou kapab konfirmen poudir nou annan bann profesyonnel isi dan Sesel ankor ki kapab fer bon travay parey Mr Max ti pe fer, parey Ms Didon ti pe fer konman en direkter dan lepase.

E la parey mon pe mazin bann parey Sir Mathiot, Ms Zelia. Ou konnen bann lezot dimoun ki nou kapab pran sa latet pou fer sir ki nou lenstitisyon STA i kontinyen reste for e solid. Mersi.

MR SPEAKER

Mersi. Vis-Prezidan ou repons.

VICE-PRESIDENT AHMED AFIF

Mersi Mr Speaker. Mersi Onorab. Onorab prosedir ki ganny swiv pou pran en direkter, se en prosedir normal.

Savedir administrasyon, swa i pou *advertise* oubyen zot annan en dimoun ki'n deza la ki zot pe idantifye, ki kapab *slot in* deswit. E se sa normalman prosedir ki ganny fer.

I annan de fwa ou pou gannyen en dimoun i konmans en Kontra parey dan nenport ki

lorganizasyon, i fer li ziska i fini son Kontra, petet apre i pa anvi renouvle oubyen baze lo performans zot pa renouvle.

I annan de lezot ka kot en dimoun i pe *perform*, oubyen i dan son Kontra apre li, li menm i santi i devret i anvi termin son Kontra. Tousala i permet anba bann Kontra ki nou sinyen ozordi.

Se sa ki nou'n toultan swiv. Se pour sa rezon in annan plizyer dimoun ki'n azir dan sa bann fonksyon dan lepase e nanryen pa pou sanze an term sa.

Nou sa ki nou swete se ki nenport ki direkter ki vin dan sa pozisyon, i konpran rol sa lenstitisyon. I donn tou pou fer sir ki bann zelev ki pas atraver lenstitisyon i ganny meyer fondasyon pou al deservi lendistri. Nou se sel bi ki nou annan.

Dimoun ki ganny swazir pou ganny swazir baze lo kriter ki ganny mete e byensir zot abilite ek zot leksperyans.

So, i en pti pe koumsa ki bann direkter i ganny swazir dan *STA* e byensir dan nenport ki lenstitisyon Gouvernman. Mersi.

MR SPEAKER

Mersi Vis-Prezidan. Onorab Sandy Arissol.

HON SANDY ARISSOL

Mersi Mr Speaker. Bonzour *VP* avek Mrs Francis. Bonzour tou bann dimoun ki pe ekout nou spesyalman nou bann zenn ki lekol *STA*.

Mr Speaker, letan ou'n dir lazournen lanvironnman, mon anvi dir poudir ozordi i en zour nwanr pou nou pei. Le 5 Zen kot plizyer nou bann frer e ser ti ganny masakre.

(APPLAUSE)

HON SANDY ARISSOL

Masakre, antere. Parey Onorab Pillay in *remind* nou laz son lanniverser, ozordi nou bezwen dir le 5 Zen i en zour nwanr pou nou pei, en zour ki pa devret ganny repete dan listwar nou pei.

(APPLAUSE)

HON SANDY ARISSOL

Mr Speaker, *STA* mon rapel en lepok se Mr Joubert ki ti ansarz apre in vin Mr Max. *STA* en lepok ti Belombre dan mon distrik, in bouze in al La Misere. Lekol *NIHSS* ti sorti Glacis in vin Mont Fleuri.

Dan sa Lasanble nou'n tande poudir de semenn pase lekol *NIHSS* pe fermen akoz i annan *fungus*. Nou ti ganny dir

poudir liniform fodre ou al koud en sel landrwa, ou napa drwa al koud kot ou anvi. Tousala nou'n tande dan sa Lasanble. Bann alegasyon ki pa fonde.

Alor mon kestyon mon ti ava kontan demann avek *VP*, eski letan en direkter i sorti en landrwa eski i pran lakle i al avek e laport i frenmen. Bann etidyan i reste lo semen, lekol pa ganny fer, lavi pa kontinyen. Eski i en nonm Sesel sa, mon ti a kontan demande ? Mersi.

MR SPEAKER

Mersi Vis-Prezidan.

VICE-PRESIDENT AHMED AFIF

Mersi bokou Mr Speaker. Mersi Onorab pou ou bann obzervasyon ki mon partaz en kantite.

Mon santi poudir nou devret toultan, la konman bann dirizan pou nou ed Seselwa konnen ki pe pase deor e poz bann kestyon ki vreman pou anmenn en leklersisman lo en keksoz ki petet i annan en natir enportan. Oubyen annan en natir i en depar avek keksoz normal.

Sa ki nou pe vwar ozordi set en keksoz absoliman normal. En direkter i dan en pozisyon, i sorti, en lot i vini.

Sa in arive, mon pa konnen, pandan bokou lannen dan ladministrasyon, i pou kontinyen arive dan ladministrasyon. Dimoun i ale, dimoun i vini. Me lenstitisyon i reste.

En direkter ler i sorti i kit son lakle, i kit son biro, i kit son *file*, i kit son *laptop* si *laptop* i pou lenstitisyon. I kit tou keksoz i ale. Son *email address* i pa pou garde, sa lot dimoun i vini i pran e travay i kontinyen.

Se sa lafason nou krwar ladministrasyon i devret fonksyonnen, se lafason ki i pe marse kot *STA*. Parey mon'n dir, bann zanfan napa nanryen pou zot enkyet. Kontinyen etidye, kontinyen fer zot bann leson, kontinyen rod pli bon rezilta e nou konman Gouvernman nou la pou fer sir ki zot lenstitisyon i reste, pou donn zot sa formasyon pou demen. Mersi bokou.

MR SPEAKER

Mersi Vis-Prezidan. Onorab Henrie.

HON GERVAIS HENRIE

Mersi Mr Speaker. Bonzour tou dimoun. Mr Speaker, mon retourn lo kestyon orizinal ki dir prenon kont lensertitid, lensertitid eksprimen par bann etidyan *STA*.

Mon'n regard *SBC*, TéléSesel, lir Nation, Today. Mon pa'n vwar en reportaz kot i annan en lopinyon bann etidyan *STA*.

So, mon anvi demann eski zot in ganny reprezantasyon bann etidyan *STA* ki'n eksprim en lensertitid, ouswa sa lensertitid in ganny eksprimen lo *TV* laverite, dan *People Plus*, dan *Nouvel* anba langar. Kote ki sa lensertitid ti ganny eksprimen ?

Ouswa i zis ankor en *PNQ* kot *the little boy is crying wolf*. E ozordi mon oule eksprim mon senpati avek tou bann viktim, tou bann viktim koudeta 77. Mersi.

(APPLAUSE)

MR SPEAKER

Mersi. Mersi, nou'n tann 2 e 3enm remark lo koudeta. Mon krwar sak kote in fer son pwen e nou a kapab met sa size ater. Nou ava kapab met sa size ater. Mon pa pe, Onorab Cosgrow. Onorab Cosgrow lord, lord.

Vis-Prezidan, ou repons silvouple pou kestyon Onorab Henrie.

VICE-PRESIDENT AHMED AFIF

Mersi bokou Mr Speaker. Mr Speaker, mon parey Onorab ler

monn ganny sa kestyon mon ti pe sey rode be eski i annan en kestyon par deryer sa kestyon.

E mon'n fer mon mye atraver *PS* Francis pou nou rod tou keksoz ki nou konnen lo sa lensidan, lo ki mannye *STA* pe marse, fonksyonman, direkter in ale, ki pe arive.

E premye fwa mon tann lensertitid. Premye fwa mon tann zafer lensertitid

Be si sa ti leka, be nou ti ava'n tann li en lot landrwa. Me nou. Mrs Francis i dir mon yer menm in koz avek direkter ki pe, ki *Deputy Director*, ki pe pran sa fonksyon ozordi dan labsans en direkter. Be nou pa'n zanmen tann sa nou.

Alor, mon krwar nou devret onnet avek pep Seselwa e dir zot keksoz ki reel e keksoz ki reel se napa nanryen ki pe sanze kot *STA*. Apard en direkter in ale, en lot direkter pe vini.

Napa okenn lensertitid ki mwan mon okouran parmi etidyan, ni bann *staff*, ni personn laba.

E alor tou keksoz pe mars normal. Mon espere ki byento nou a ganny nou en direkter e tou keksoz a kontinyen fonksyonnen parey i devret e parey in toultan ete. Mersi.

MR SPEAKER

Mersi Vis-Prezidan. Onorab Cosgrow ou kestyon. E gard li annord silvouple.

HON WALLACE COSGROW

Mersi Mr Speaker. Bonzour Mr Speaker. Bonzour Vis-Prezidan, Mrs Francis. Tou Manm Onorab *and our invited guest in the Gallery*.

Mr Speaker, i enportan ki mon fer resorti ki le 5 Zen.

MR SPEAKER

Kestyon, kestyon si ou annan Onorab Cosgrow. Onorab Cosgrow, kestyon oubyen ou napa laparol.

HON WALLACE COSGROW

Larg mon *micro*. *Ok*. Mr Speaker, avek sa Gouvernman ou pa zanmen ganny laverite ouswa konnen kote zot pe ale.

Sirtou avek Vis-Prezidan ler i vin la devan.

MR SPEAKER

Onorab. Onorab. Onorab mon'n dir, mon'n deza dir poudir mon pa aksepte lakizasyon kont bann Minis ki vin la dan Lasanble e ou kapab evite e mon donn ou en dernyen sans pou poz en kestyon.

HON WALLACE COSGROW

Mr Speaker, lot kote latab i dir nou pe fann rimer.

MR SPEAKER

Onorab Woodcock ou kestyon.

HON WAVEL WOODCOCK

Mersi Mr.

(APPLAUSE)

HON WAVEL WOODCOCK

Mersi Mr Speaker. Mr Speaker mon kestyon i parey kestyon orizinal pe demande, kot i konsern lavenir.

(Interruption)

MR SPEAKER

Sorry. Order! Onorab Woodcock kontinyen avek ou kestyon.

HON WAVEL WOODCOCK

Mersi Mr Speaker. Mr Speaker, mon kestyon i baze lo kestyon orizinal kot i konsern lavenir sa lenstitisyon.

Lannen pase Komite IAC ki i annan Manm ki sorti lo tou le de kote latab ti fer en vizit kot STA ki ti enkli Onorab Egbert Aglae osi ki ti dan sa miting, kot nou ti annan en diskisyon avek *board* e osi avek *management STA*, enkli bann etidyan sa lenstitisyon.

Dan diskisyon, an regardan sa lavenir sa lekol, ti annan plizyer diskisyon sirtou

lo bann fasilite ki an gran parti dan bann leta deplorab, aköz ti *more or less* bann fasilite ki ti deza depi *tracking station*, ki annan en gro lenvestisman ki zot anvizaze fer lo sa fasilite e ki i annan ankor lezot devlopman ki zot anvizaze fer.

Mwan mon kestyon pou garanti lavenir sa lenstitisyon, ki bann lenvestisman ki zot anvizaze fer kot sa lekol pou fer sir ki i lo en standar en pti pe pli eleve?

E finalman Mr Speaker, an vi olye ki *United Seychelles* ti al met fler kot Zonm Lib aköz zot pa met fler lo.

(APPLAUSE)

(Interruption)

MR SPEAKER

Onorab. Mon pe demann Onorab Loze pou sorti dan lasal pou.....

(APPLAUSE)

MR SPEAKER

Onorab ou a sorti ziska lafen sa kestyon, sa sesyon *PNQ*.

E mon pe dir bann Manm si napa lord dan demann sa kestyon siplemanter zot kestyon siplemanter, nou pe termin sa sesyon deswit, mersi.

Onorab pou deranz lasal. Mersi Onorab.

(Interruption)

MR SPEAKER

Onorab. Sa sesyon mon pa pe pran okenn Manm, kestyon Manm siplemanter. Mon pou donn Onorab Pillay loportinite pou poz son kestyon siplemanter.

Selman mon pe fer li kler poudir son kestyon i bezwen annord, sansan mon pe termin sa sesyon kestyon. Onorab Pillay si ou annan kestyon siplemanter lo lefe ki dan sa kestyon, lo lefe ki dan sa sityasyon ou kapab poz li e se tou, mersi.

HON SEBASTIEN PILLAY

Mersi Mr Speaker. Mr Speaker, depi konmansman pa depi konmansman lannen, pandan sa dernyen 2an nou'n vwar plizyer dimoun *resign* dan Gouvernman. Nou'n vwar *CEO IEA*, nou pa'n ganny leksplikasyon. *CEO LWMA*, nou pa'n ganny leksplikasyon. *PS Renaud* dan Departman Transpor, nou pa'n ganny leksplikasyon. E la en lot direkter dan en landrwa stratezi e enportan kot nou *train* bann zanfan lekol, i *resign* okenn leksplikasyon nou pa gannyen, nou pa ganny okenn lenformasyon.

Dan Lasanble Nasyonal, Minis Radegonde li menm ti dir avek nou, i lo *verbatim* ki lanplasman sa lekòl pa korek kot i ete e ki i pou sorti e ki zot pou al fer en lot keksoz dan sa landrwa.

Sa diskisyon in deza komans ganny fer ek etidyan. In deza konmans ganny fer e Minis Radegonde ti dir dan Lasanble, lo *verbatim*.

Now, i pa nou ki'n dir se Minis Radegonde ki dir. Ki manner i kapab rimer kan i la.

MR SPEAKER

Bon, ou kestyon prezan.

HON SEBASTIEN PILLAY

Now, keksoz ki tou dimoun i konnen la deor se ki zot in fini promet Arab STA. E zot pe kasyet. Zot.

MR SPEAKER

Onorab mon oule tann ou kestyon e mon'n ganny ase avek alegasyon ki'n deza ganny reponn. Mon oule tann ou kestyon si ou annan.

HON SEBASTIEN PILLAY

Mersi Mr Speaker. Kestyon i annan, kestyon se akòz ki direkter STA in *resign*, pou ki rezon ki sa direkter in *resign*? E akòz sa in vin *all of a sudden* apre menm ki bann etidyan in

ganny dir ki sa lekòl i sipoze al kraze?

E ler mon koz lensertitid Mr Speaker, *allowance* i vin tar pou sa bann etidyan. Pli gro problem ankòr se ki sa bann etidyan pa konnen ki pe pase.

MR SPEAKER

Mersi. Vis. *Order please*. Vis-Prezidan ou a reponn kestyon Onorab.

VICE-PRESIDENT AHMED

AFIF

Mersi bokou Mr Speaker. Mr Speaker mon retoun lo sa ki mon'n dir. STA i reste, kour STA i reste. Direkter i ale, direkter i vini, se sa ki pou arive.

Si en direkter i *resign*, i normal sa. Se li ki donn son *resignation*. Byensir i bezwen annan sa bann rezon par deryer.

Be ler en direkter i ale, nou rol konman Gouvernman parey in arive, kantite fwa i pou arive ankòr dan lavenir, dimoun i ale dimoun i vini. Dimoun i ne, dimoun i mor. I en keksoz normal sa.

E nou rol se pou fer sir nou *deal* avek sa peryod enterim e sa ki arive apre. Setou ki pe arive.

Batiman li menm, en zour pou ganny fer renovasyon. En

bout, zot ti annan en konstriksyon, zot demoli en bout zot fer en lot bout. Zot fer renovasyon lo en lot bout. Ou sanz laklas ou al lo en lot bor, sa se bann keksoz normal toulezour ki arive.

Mon pa aksepte okenn sa bann alegasyon konmkwa i annan plan pou fer serten keksoz avek sa landrwa, ferm sa lenstitisyon. I fo. Tou sa bann keksoz i fo.

Sel keksoz ki mwan mon konnen, se Minis li i ti eksprim son lopinyon personnel ki sa landrwa, sa landrwa petet pa ti devret la se tou, se tou.

Me selman sa ki mon pe dir zot, sa landrwa kot *STA* i ete i pe reste, etidyan pe kontiny zot kour e sa bann, e i enportan nou dir pep Seselwa laverite.

Si i annan *verbatim* ki ou dir Minis ti dir, anmenn sa *verbatim* nou a gete. Anmenn sa *verbatim* nou a gete. Akoz mwan mon konnen ki Minis ti dir. Setou. Alor nou pe dir ek zot *STA* pe reste, kour pe reste e napa nanryen ki pou bezwen pou sa bann manrmay trakase. Zot kour i kontinyen, reste zot anpe. *STA* pe reste, en lot direkter a vini, travay i kontinyen. Mersi bokou Mr Speaker.

MR SPEAKER

Yes, ki ou *point of order* Onorab Pillay?

HON SEBASTIEN PILLAY

Mersi Mr Speaker. Mr Speaker, Vis-Prezidan pe *mislead* Lasanble e atraver ou mon pou prouve ki mannyer.

Vis-Prezidan pli boner i dir ek nou koumsa poudir zanmen sa in ganny dir. La i vire i dir nou se Minis ki ti dir e i konpran ki mannyer Minis ti dir.

So, ki mannyer en sel kou la Vis-Prezidan in konnen ki Minis ti dir kan taler i pa ti konnen.

I montre ou ki Vis-Prezidan pe koz lalang avek Lasanble.

MR SPEAKER

Mersi. Mon a rule lo ou *point of order*. Mon aksepte leksplikasyon ki Vis-Prezidan in donnen. Sesyon kestyon in terminen.

Mon remersye Vis-Prezidan e *PS* Francis pou zot partisipasyon. Mersi.

Madanm Clerk ou a verifeye si lot Minis in pare pou ante silvouple.

(APPLAUSE)

MR SPEAKER

Madam Clerk si ou napa lenformasyon si Minis i la, les mon konnen.

Bon Lasanble i ava *adjourn*, nou a rebran 10er. Mersi.

(BREAK)

MR SPEAKER

Bon nou ava prosede avek kestyon pou Minis. Mon a demann madam raporter apel Minis ek son delegasyon silvouple.

Bonzour Minis pour Transpor Mr Antony Derjaques, Ms Florence Marengo, *General Manager Commercial Seychelles Civil Aviation Association Authority*, mon krwa *Aviation* sa. Ms Nathalie Young, *Legal Officer SCAA*. Mr Patrick Andre, *Principal Secretary pour Land Transport*.

Nou ava pran kestyon 137 Onorab Richard Labrosse.

HON RICHARD LABROSSE

Mersi Mr Speaker. Da bor mon ti a kontan dir bonzour tou dimoun ki a lekout. Bonzour spesyal pou bann zabitan Plaisance, tou travayer, tou manm koleg, Minis ek ou delegasyon.

Mr Speaker kestyon limero 137 i al *comme* swivan.

Swivan lanons par Minis ki SCAA pou ganny restriktire an de diferan antite legal, eski Minis pour Transpor i kapab enform Lasanble ki mannyer sa travay i pe ale? Mersi Mr Speaker.

MR SPEAKER

Mersi. Ou repons Minis silvouple.

MINISTER ANTONY DERJAQUES

Mersi Mr Speaker. Bonzour Mr Speaker, bonzour *Chief Whip*, bonzour tou bann Onorab.

Mr Speaker, an sa ki konsern restrikt. An sa ki konsern sa proze SCAA, Minister Transpor ansanm avek SCAA avek biro *Attorney Zeneral* in finaliz sa 2 Lalwa ki pou formelman etabli sa 2 antite legal.

Sa bann nouvo Lalwa pou ganny prezante avek konsey Minis atraver en *information note* dan detrwa zour.

Lasanble Nasyonal apre i a ganny sa 2 *Bill*, kekfwa dan 2 semenn pou zot deba e pou zot konsidere.

An plis ki sa, pandan mwan Avril Minister ansanm avek SCAA in travay avek bann konsiltan dan bann Konvansyon, nou'n koz avek bann partner enternasyonal e

nou'n etidye o profon ki manner sa separasyon ant en *Civil Aviation Authority* e avek en *Airport Authority* pou ganny fer e ki manner i pou marse.

Ti annan osi en proses konsiltasyon entans avek SCAA, son CEO, son *top management* avek bann travayer SCAA.

Travay pou separ SCAA i kontinyen pou fer sir ki sa lenstitisyon pe deservi son fonksyon avek bon pratik ek bann rekomandasyon *IKO* ki sa antite enternasyonal pou lavyasyon.

CEO avek son *management team* pou kontinyen enform e gard tou travayer azour avek tou bann lenformasyon.

E mon asire ki ler sa Lalwa finalman i ganny *ascent* par Prezidan Larepublik, SCAA pou kapab finaliz e fini e met an operasyon sa 2 Lalwa aköz fondasyon in ganny etabli. Mersi Mr Speaker.

MR SPEAKER

Mersi Minis. Onorab Labrosse, ou annan siplemanter ?

HON RICHARD LABROSSE

Mersi Minis pou ou larepons. Minis mon ti a kontan kekfwa la brefman, mon konnen bokou dimoun la deor pe rode ki nou

pe koz lo la egzaktman ler nou pe koz pou separ sa de antite pou vin de antite legal diferan.

Kekfwa si ou ti kapab eksplik nou brefman ki lezot louvraz sa de antite pou fer ki diferan avek kanmarad?

Sirtou la ler nou pe koz lo kestyon *compliance*. Sirtou nou konnen ki lavyasyon sirtou i en sekter ki vremen en pti pe sansib dan li menm. Ki vin avek bokou e ki asosye li avek diferan lorganizasyon enternasyonal. Parey ou'n nonmen taler *IKO* ek plizyer lezot ankor.

Mon dezyenm kestyon Minis, mon ti ava kontan konnen la, ki pou arive avek bann travayer avek ki an se moman avek SCAA, ki mon konnen i annan bokou ki pou al tonm anba *airport management* ?

E eski pou annan bann reminerasyon diferan ki pou annan avek zot? Par egzantp mon konnen la i annan bokou pe demann kestyon lo kote saler egzaktman e osi loportinite *training* kekfwa ki kapab vin avek? Mersi Mr Speaker.

MR SPEAKER

Mersi Onorab. Minis.

MINISTER
DERJAQUES

ANTONY

Mersi Mr Speaker. Mr Speaker, anliny avek bann Lalwa enternasyonal anba *IKO*, sa fason ki nou ti pe fonksyonnen e administre *Civil Aviation* ti toultan en pwen diskisyon.

Akoz an menm tan ki SCAA ti an, ti dan loperasyon e fer fonksyonnen bann *airport* Sesel, domestik selman espesyalman enternasyonal. SCAA an menm tan ti pe fer *oversight* ek ti pe fer travay regilater.

Savedir i ti pe *check* ek balans e fer sir ki loperasyon *airport* i anliny avek bann *rules IKO*, solman li ki operater e li ki refri, li ki aplik Lalwa ek regilasyon.

Toultan ti annan sa potansyel. Potansyel, pa aktyel. Me potansyel pou annan en konfli lentere aköz se sel lorganizasyon. E sa pa ti anliny avek kote lemonn pe bouze.

Lemonn in oule toultan en *Civil Aviation Authority* ki endepandan dan son loperasyon, dan son travay an menm tan i en refri, i annan *oversight* lo loperasyon *airport* an menm tan li i osi i vize lo regilasyon pou fer sir ki standar par egzansp sekirite i a ot nivo.

Akoz nou bann *stakeholders* i enternasyonal,

bann *airlines* enternasyonal, bann pasaze enternasyonal.

Savedir i pou annan en separasyon *Civil Aviation* li pou regard bann laspe *oversight*, regilasyon e *airport Authority* pou kontinyen avek loperasyon *airport*.

Civil Aviation pou annan kekfwa apepre, apepre 50 travayer. Loperasyon pou gard bann lot travayer.

Nou konnen i annan apepre 750 apepre travayer lo *airport* dan SCAA.

Tou sa bann travayer pou reste, zot pou kontinyen zot travay lo menm *terms and conditions*.

Savedir zot pa pou perdi nanryen, zot saler pou ganny *maintain* e zot *scheme of service* pou reste parey.

Semenn pase mon ti dir zot, *of course* ki *scheme of service* pou tou le de por avek SCAA pe ganny revi.

Sa pou kontinyen, zot pa pou perdi sa posibilite ki pou annan en *improve scheme of service*.

Savedir mon pe dir avek bann travayer e *CEO* avek son *management staff* ki la avek mon, ek Avoka SCAA in fer sa konsiltasyon, in enform bann travayer, e ozordi mon pe asir zot ki keksoz pe mars en bon direksyon.

E mon demann zot swiv bann deba e swiv espesyalman ler Lasanble i konsider sa de Lalwa. E mon asire zot pou demann bann kestyon e zot pou vwar bann pti *clause* dan sa Lalwa pou fer sir ki sa stabilite i ganny mentenir. Mersi Mr Speaker.

MR SPEAKER

Mersi Minis. Onorab Henrie.

HON GERVAIS HENRIE

Mersi Mr Speaker. Bonzour tou dimoun.

Mon kestyon pou *panel* i kestyon vyabilite ouswa retonbe ekonomik, ki pei pou kontinyen zourir dan sa transformasyon ki pou annan. Si zot ti kapab eksplik nou ki mannyer zot pe revwar sa?

E erezman Lopozisyon pa la pou senm en rimer poudir la nou pe al vann, nou pe al vann *airport*. souvrennte pei pou al dan lanmen sepaman lekel ki zot ti ava evante nou pe al fer.

So, re donn nou en lasirans poudir non, sa i pe al reste konman en aki pou Sesel e Seselwa. Mersi.

MINISTER **ANTONY**
DERJAQUES

Mr Speaker parey mon ti fer semenn pase ek detrwa semenn

ankor pase ler menm sizesyon ti ganny met devan nou.

Mon a fer li kler, ki dan detrwa semenn *master plan* pou nouvo *airport* pou'n konplete.

Savedir nou pou prezant dan *financial model* avek *Cabinet of Ministers*.

Si *Cabinet of Ministers* i donn aprouvasyon, Minister Transpor prezan i ava ganny *advise* ki mannyer nou pou vin eksplik tou dimoun sa *master plan*, e ki mannyer i pou ganny finansye e ki mannyer i pou ganny enplimante.

E son vizyon *comme* Prezidan ti dir premye zour ler i ti apwent mon, akoz nou pa regard en nouvo *airport* akoz ti'n ariv tan pou nou zwenn sa lemonn modern e pou nou rod en veikil atraver nouvo *airport* pou nou kapab donn en pli bon *package*. En pli bon destinasyon, en pli gran servis e pou nou kree en lekonomi osi ki baze lo lavyasyon kot *airport*. E sa nou pe fer li.

Avek sa separasyon i anliny avek *master plan*. Akoz ou bezwen annan en keksoz ki pli modern e sa Lalwa pe reflekte e pe fer sir ki sa pou arrive.

Son laspe lekonomi ki ou'n viz lo la, se ki avek sa bann sanzman ki pe vini bann sanzman ki pou rapid, nou pou

annan en nouvo lekonomi baze lo lavyasyon.

Nou pou annan bann striktir ki pou anmenn *FDI* dan sa pei, savdir *Foreign Direct Investment* dan sa pei, dan en fason ki zanmen nou'n deza annan avan.

Pou ou annan bann keksoz ekstrememan pozitiv ki mon pa ankor kapab al dan detay ziska ler *Cabinet*, dan enn de semenn i regarde e i aprouve. Mersi Mr Speaker

MR SPEAKER

Mersi Minis. Onorab Georges Romain.

HON GEORGES ROMAIN

Mersi Mr Speaker. Minis bonzour avek ou delegasyon.

Minis mon'n ekout ou aköz mon osi mon konpran en pti pe lo *airport*, monn deza ganny sans travay lo *airport*. I, sa mon krwar i pou byen pou nou pei sa separasyon.

Me selman pou manm piblik kekfwa ki pe ekoute la deor Minis, mon konnen ou dir kekfwa ou pou donn plis detay pli tar.

Par egzanp nou tou nou konnen ki *Air Seychelles* ozordi li ki *handling agent* pou tou bann avyon ki apoze Sesel.

E nou konnen ki *SCAA* i sipoze vin sa *regulator* parey zot

pe fer resorti. E nou pou dan en lot ki pou *conduct* bann loperasyon *airport*.

Minis si ou ti kapab eksplik nou vremen lekel sa bann servis, aköz nou konnen i annan bokou servis ki ganny donnen lo *airport*. En pti pe detay lekel sa bann servis ki vremen ki pou tonm anba sa loperasyon *airport*, ki ou pou tire ki ozordi i tonm tou anba *SCAA* ki pou ganny sa separasyon? Si Minis i kapab donn nou. Mersi Mr Speaker.

MR SPEAKER

Minis.

MINISTER

ANTONY

DERJAQUES

Mr Speaker eski Ms Marengo Florence, ki *General Manger Commercial* avek *SCAA*, eski i kapab reponn?

MR SPEAKER

The General Manager ou annan laparol.

MINISTER

ANTONY

DERJAQUES

Mersi.

GM

COMMERCIAL

FLORENCE MARENGO

Bonzour Mr Speaker, bonzour Manm Onorab.

Mersi pou ou kestyon. Lotorite *airport* ki pe vin an plas i pou responsab pou ki sa ki nou apel *management* loperasyon *airport*.

Son rol pou kontinyen pou li zer ki mannyer bann siport servis ki nou donnen avek avyon. Enkli zer bann lagreman avek bann servis adisyonnèl parey ki *Air Seychelles* i ofer konman *check in*, ensi ki imigrasyon ek *customs* ek bann lezot servis.

Nou osi annan en kantite biznes tourizm ki aktiv *airport*. Nou pou kontinyen fer plis lespas pou nou kapab agrandi sa *off* ki nou annan pou nou piblik e nou bann *partners*, e osi ou vwar kwa ankor ki nou bann touris i anvi ler zot vin Sesel.

E sa i ava donn nou plis sa kontrol, sa kapabilite pou nou *focus* lo sa bann *key aspect* e nou ava kapab deservi nou piblik e kontinyen *facilitate* Lendistri Touris. Mersi Mr Speaker.

MR SPEAKER

Mersi.

MINISTER **ANTONY**
DERJAQUES

Mr Speaker eski mon kapab osi dir de keksoz?

MR SPEAKER

Yes.

MINISTER **ANTONY**
DERJAQUES

Onorab Henrie osi ti tous lo osi okenn parti nou *airport* ek nou nouvo *airport* pou ganny vann avek okenn dimoun, par egzanp etranze.

Mon anvi dir enn fwa e pou tou. Nou pa pe, parey pou por tou. Nou pa pe annan okenn lentansyon, okenn bann lenfrastruktir. Par egzanp si nou kree sa e nou konstri sa nouvo *terminal*, i pa pou ganny vann i pou ankor kontinyen pou Sesel.

Airport pou kontinyen annan, pou kontinyen pou Sesel. E i pou ganny kree anba en konsesyon parey pou por a sa moman.

Por i pou Gouvernman Sesel, pou Pep Seselwa e i annan en *operator* prive *Land Marine* ki *operate* e i annan en kantite bann endividi, bann *tenants* ki annan bay ki ede *operate* por Victoria an antye.

Pou *airport* napa personn ki pe al vann *airport*. E sa *Civil Aviation Authority* ki Lalwa pou vin devan zot dan detrwa semenn, pou kontinyen annan pouvwar legal lo *over flights*, lo *landing rights* e operater se *Air Seychelles* ki pe fer tou *ground handling* pou kontinyen, pou kontinyen annan Lapolis ki pe

donn sekirite lo *airport*. Pou kontinyen annan imigrasyon ki decide lekel ki antre e sorti dan nou pei anba Lalwa Imigrasyon. Pou kontinyen annan *customs* pou decide ki *goods* ki antre e sorti Sesel.

Tou pei dan lemond, menm si i annan bann ki pa bann Lotorite piblik ki *operate the airport*, me i annan prive ki *operate the airport*, leta i fer sir ki souvrennte i reste.

Sa souvrennte ki kontrol legal i separe avek loperasyon, i parey si nou gete par *Land Marine* konman operater ki decide ki bato ki antre dan por *Victoria* lekel ki sorti, konbyen bann *regulated fees* i ete. Tousala se *SPA*. I parey lo *airport*.

Si en zour i arive, ki en operater swa i en lakonpanyen prive Seselwa, ouswa en lot enternasyonal sa kontrol nou *air space*, avyon ek *airport* i reste anba *the Civil Aviation Authority and the Independent Authority the Airport Authority* li i kontinyen osi son bann fonksyon e *Air Seychelles* osi i kontinyen son bann fonksyon.

Alor fodre nou pa tonm dan sa bann mansonz, sa bann *black mail*, sa bann propagann ki pe ganny fannen par bann ki pa oule vwar en nouvo por

Sesel, ki pa oule vwar en nouvo *airport* Sesel.

Sa por ek sa *airport* ti ganny konstri an 74 par *Grand Bretagne*. Nou ti ankor en Koloni, depi tou sa bann lannen, menm anba lot Gouvernman pou 43an zanmen nou'n deza ganny en nouvo por ek en nouvo *airport*.

Be sa Gouvernman *LDS* ti decide pou Sesel bouz devan pou byennet son bann pep, son bann popilasyon, pou nou lekonomi e pou devlopman. Nou pa kapab reste avek en por ki pe kase anba nou.

Nou bezwen *meet* sa demann modern kot tou bann pei dan nou rezyon i osi zot pe bouze, parey *Madagascar* avek *Kenya* atraver *Mombasa*.

Pou *airport* parey, parey Zanzibar in fini fer son nouvo *airport*. *Bahamas* pe fer, *Bermuda* pe fer. Tou nou bann *competitors* la pe fer.

Si nou pa *join*, si nou pa fer, si nou pa moderniz nou bann striktir parey semen, *airport*, por, nou pou ganny kit deryer. E se sa nou vizyon konman en Gouvernman *LDS*. Nou pe bouze e nou pe anmenn larises pou nou popilasyon. Mersi Mr Speaker.

MR SPEAKER

Mersi Minis. Onorab Loizeau.

HON NORBERT LOIZEAU

Mersi Mr Speaker. Bonzour Minis avek ou delegasyon.

Mr Speaker mon kontan Minis in koz lo sa laspe sekirite, ki mon panse i pou bezwen petet i a tonm anba *management* loperasyon *airport* ek Por.

Mon pe demann sa kekyon aköz dernyen fwa ler mon konman *Vice Chair COGA*, nou ti al fer en vizit Praslin kot nou ti vwar i annan en mankman sekirite, sirtou kot bagaz.

E menm sa bann personnel sekirite ti annan zis de madanm. E zot fatige. Zot in konplent i mank mendev.

Ozordi mon kontan mon vwar bokou zenn lo *airport* konmela ki'n antre dan sa laspe sekirite, bann manrmay. Mwan mon konn enn, apenn si i annan 18an e zot enterese.

E i difisil pou ganny sa bann zenn ozordi pou vin fer *shift*. Ozordi nou'n ganny zot.

Mwan mon kekyon mon anvì demande, ki i annan pou sa bann zenn pou ankouraz zot reste dan sa lanplwa? Sirtou sa bann ki pe fer sa louvraz sekirite a tre zenn az? An term *training*, pou zot pa reste konman zis en sekirite la lo *airport* me pou bouz en pti pe pli

devan. Mon ti a kontan demande. Mersi.

MR SPEAKER

Mersi Onorab. Minis.

MINISTER ANTONY DERJAQUES

Mr Speaker. Mon kontan ou konsern Onorab Loizeau. E sa i kontinyasyon, aköz sak fwa mon vini tou bann *MNA* i montre sa konsern ki zot anvì ki nou bann zenn i kontinyen devlope kot zot in pran en lanplwa.

E mon dir avek zot ki dan lavyasyon keksoz i eksitan, keksoz pe devlop vit. Nou pe ouver semen.

Nou annan bann kontak par egzanp ki nou'n sinyen, bann *memorandum of understanding* par egzanp avek *Dubai airport*.

Nou annan kontak avek *South Korea* kot Prezidan i ete pe negosye ankor, pe fer sir ki pe avans lentere Sesel. Kot mon'n koz avek Minis ki ansarz Transpor ek Lavyasyon *South Korea* e monn anvoy li en kantite bann *courses long term* ek *short courses* kot nou bezwen, nou pe demande pou nou kapab ganny en led.

Nou annan bann diskisyon avek *Abu Dhabi*

airport pou training. Pou nou bann *staff*, pou zot ganny plase.

Mon fek ganny en lalis sorti avek *Indian Government* kot in demann nou, zot annan 90 plas dan bann lenstiti dan Lenn pou bann *technical studies*, korporasyon sorti *University* to bann ki pli mwens, ki monn anvoy kot tou mon bann *CEOs* ek *PS* kot nou kapab bouz devan avek plasman pou bann dimoun ki antre dan lavyasyon.

Lavyasyon i pa parey i ti ete pou sa dernyen 50an. I pe devlop vit. E i annan en swaf pou lavyasyon aköz napa ase striktir enternasyonanman, napa ase avyon, e vwayaz ek *tourism* pe monte lo dan lemonn. Alor i annan en lavenir.

Parey mon ti eksplike semenn pase nou pe travay lo sa *new scheme of service*. E sa i enkli pou sekirite.

Par egzanp nou pe konsidere dan plas bann *shift* ki 12 erdtan, pou en *shift* si nou kapab fer li 3 *shift* dan en zour ouswa menm 4 *shift* dan en zour.

Savedir nou pe regard ki manner i vin pli *attractive* pou bann zenn dan plas 12 erdtan kekfwa i vin 8 erdtan dan en *shift*.

Aprè dan sa *scheme of service* nou pe gete ki bann *incentive* ki nou kapab donner. E Onorab *incentive* i kapab enkli *salaries* avek bann *allowances*.

Savedir i annan tou le 3. Nou pe get bann erdtan travay, nou pe get bann kondisyon travay, nou pe get saler avek *allowances* e nou pe get *training* e plasman dan bann lot *airport* dan rezyon espesyalman pou bann zenn.

Alor mon anvi envit bann zenn pou zot *join* sa gran lendistri lavyasyon. Nou pe anmenn bokou sanzman e zot menm zot pou temwannay sa, sa ki pe al arive. Mersi Mr Speaker.

MR SPEAKER

Mersi Minis. Onorab John Hoareau.

HON JOHN HOAREAU

Mersi Mr Speaker. Mr Speaker anvi ki Minis in koz en pti pe lo sekirite, lo tonm anba son *perview and anba Civil Aviation Authority* sekirite lo *airport*.

Mon kestyon i baze lo en pti pe lo bann touris ki par egzanp ki sorti *Russia*, ki an se moman zot pa pe kapab pey zot *Travizory* atraver zot kart.

Eski Minis pe get dan posibilite ki zot ganny posibilite

pou vin zot vakans parey zot abitye vini? Me zot *pay on arrival* isi zot *Travizory* ki en fason nou *market* touris i kontinyen antre, bann dimoun i kontinyen vin zot vakans isi Sesel e keksoz i mars a normal parey avan. Mersi.

MR SPEAKER

Mersi Onorab. Minis.

**MINISTER ANTONY
DERJAQUES**

Mr Speaker. Pou montre nou konsern lo *market Russia*. Mon kapab dir avek zot ki direkter pli o posib dan *Aeroflot* pou ariv Sesel le 10 ek le 11 e zot annan *meeting* avek mon, e mon pe envit bann *stakeholders* ki enkli *SCAA*, *Tourism*, avek bann lot *stakeholders* prive parey *Travizory*, parey *Sky Chef* pou zot partisip dan enn sa bann *meeting*. Savedir i annan sa konsern.

Aeroflot pou lemoman pa pe vin Sesel, zot in sispann ziska pli tar. Zot ti arete le 18 Me. E bann touris *Russian* pe vin atraver bann lot *flight* parey *Emirates*. Sa ki ou'n sizere i a form parti sa diskisyon.

Mon asir ou ki nou pe negosye partou dan lemond e ou konnen ki an Mars ti annan ankor en lot *executive directive* sorti dan enn bann pei kot in

enkli e kot in *increase* bann sanksyon partou dan lemond.

E bann labank Sesel osi i bezwen fer zot travay dan en fason avek sekirite. Nou bezwen prezerv striktir finansyel nou pei.

Alor i annan en kantite negosyasyon ki vreman *complex*, nou bezwen konpran bann Lalwa, nou bezwen konpran bann sanksyon. Nou bezwen konpran bann banker ki ennler oule *deal* ouswa pa oule *deal*.

Nou bezwen osi regarde si zot annan sa bann lanmonnen pou vin avek ouswa zot pe servi bann kart. So, tousala pe ganny fer. *Subs* ek *Travizory* zot annan bann kredi sibstansyel avek *Aeroflot*.

Savedir bann touris pe antre dan pei e zot pa pe peye tou keksoz i ankor lo kredi. Alor pou lemoman napa okenn keksoz ki pe anpes zot, nou pe ankouraz zot pou nou lendistri touris. E parey monn dir ou le 10 ek le 11 sa mwan la, enn zot pli *top* delegasyon pou ariv dan pei e mon pou zwenn zot. Mersi Mr Speaker.

MR SPEAKER

Mersi Minis. Bon nou'n termin lo tou Manm ki ti'n lev lanmen.

Donk nou ava pran poz la. E nou a rebran kekyon 11er.

Mon ava remersye bann delegasyon ki pe kit nou e mon osi rekonnèt ki a kote latab nou ti annan Mrs Rina Andre, *Principal Information Communication Officer* dan Minister Transpor e Mr Parinda Herath *CEO Land Transport Agency*.

Mersi pou zot partisipasyon. Nou a pran poz.

(BREAK)

MR SPEAKER

Wi nou a kontinyen avek kestyon. Mon a dir bonzour nouvo delegasyon. Nou annan Mr Sonny Payet, *CEO Seychelles Ports Authority*. Mrs Estelle Alexis, *Legal Advisor Seychelles Port Authority* e Mr Andre avek Ms Marengo i ankor avek nou.

Bon, nou pran kestyon 138 dan non Onorab Andy Labonte.

HON ANDY LABONTE

Mersi Mr Speaker. Bonzour Minis ave ou *panel*.

Kestyon 138 i kir koumsa, eski Minis i kapab donn en levanter lo konbyen kare later ki'n ganny *allocate* avek *Port Authority*, avek bi devlop e ankouraz plis lenvestiser pou antre dan bann tel biznes relye

avek lanmer e ki ankor disponib? Mersi.

MR SPEAKER

Mersi Onorab. Minis.

MINISTER ANTONY DERJAQUES

Mersi Mr Speaker. Mon anvi ankor enn fwa remersi Lasanble Nasyonal ki semenn pase zot ti pas nou Lalwa SPA. Mersi.

Mr Speaker, *Seychelles Port Authority* parey ler nou ti eksplike anba nouvo Lalwa, i sa lorganizasyon ki ansarz loperasyon e *oversight* dan tou bann por Sesel, e tou bann aktivite bann bato dan nou delo teritoryal avek *EEZ* ki ganny kouver.

Pou sa Lotorite kapab egzers son manda, Gouvernman in pas li bann morso later. Sirtou bann ki sitye lo lakot pou devlopman bann aktivis portyer.

An 2024 Lotorite Por Sesel i annan anba son sipervizyon 97 morso later. Dan sa 97 Lotoriter i annan 122 lokater. Swa i bann antrepriz ki lwe lofis ouswa batiman e osi bann lantrepriz ki lwe later avek pou r pou zot devlopman ki relye avek sa domenn.

An sa moman i ankor annan leter ki disponib pou devlopman. Par egzanp lo

Praslin, Kato Nwanr e osi lo Ile Du Port.

Lotorite i swiv en prosedir presiz e transparan ki anliny avek Lalwa. Dan lepase in *tender* sa bann later ki disponib.

Malerezman Lotorite pa'n resevwar sa lakantite dimoun ki enterese pou pran par dan sa bann *tender* pou bann later ki disponib.

I annan ki'n pran e pe devlope. E a lavenir i annan ankor *tender* ki pou ganny fer. Par egzanp SPA i annan de morso later apepre 500 met kare ki disponib lo Praslin kot kargo *terminal* pou *warehousing*.

Pou bann endividi ou lantrepriz ki enterese, zot kapab kontakte Lotorite Por pou fer konnen zot lentere pou devlopman e pou kree plis ankor bann lantrepriz. Mersi Mr Speaker.

MR SPEAKER

Mersi Minis. Onorab Labonte ou siplemanter.

HON ANDY LABONTE

Mersi Minis pou sa lenformasyon, mon krwar i enn ki pou vreman edan.

So, mon kestyon siplemanter i vin en pe petet parey ou'n dir lo Praslin i

annan, konbyen ki egziste. Sirtou lo kote Mahe Ile Du Port.

Eski i annan serten keksoz ki pe ganny fer, travay pe ganny fer, petet pou endik popilasyon ki bann kalite biznes vreman zot kapab antre ladan. Akoz parey nou vwar, nou bann zenn ki sorti maritim zot plizoumwenn al dan *boat boy*. Me i annan en mankman parey *marine mechanic*.

Eski i annan en travay ki pe ganny fer pou sey ankouraz plis bann zenn *entrepreneur* pou antre dan bann tel aktivite parey?

MR SPEAKER

Mersi Onorab. Minis.

MINISTER ANTONY DERJAQUES

Mersi Mr Speaker. Eski CEO Mr Payet i kapab reponn?

MR SPEAKER

CEO ou annan laparol.

CEO SONNY PAYET

Mersi Mr Speaker. Bonzour tou dimoun. Kestyon Onorab i kler, por o tan posib ki annan bann later disponib parey Minis in eksplike dan son repons. Nou kree bann aktivite komersyal biznes pou tou dimoun dan nenport ki nivo ki kapab antre pou fer sa bann devlopman.

Parey si mon kapab pran en legzanp spesifik, lo Bel Ombre nou annan bann aktivite ki pe ganny kree dan bann devlopman ki nou'n lanse. Kot i pou ganny kree bann landrwa spesifik pou fer serten reparasyon bato, spesifikman serten domenn pou sa rezyon.

E osi nou pe vwar parey ou kestyon pe ganny dirize, bann lezot landrwa kot nou annan later a nou disponibilite pou nou kapab lans nou ladan. E nou an gran diskisyon osi kot zot lenformasyon i annan *almost 2* mwan, 1 mwan edmi, 2 mwan pase nou pe diskit avek Minister konsernen *MLH* pou nou annan bann later ki oriyant dan bann lakot lanmer pou nou kapab kree plis sa bann devlopman. Mersi Mr Speaker.

MR SPEAKER

Mersi *CEO*. Onorab Labrosse ou annan siplemanter?

HON RICHARD LABROSSE

Mersi Mr Speaker. Mr Speaker, avan mon demann mon kestyon mon ti ava kontan osi, monn fer en remark isi dan Lasanble lo kote Minister Transpor ek Later, mon vwar ki i annan en bon pe bann zenn dinamik ki pe atrakte dan sa Minister.

E sa mon ti a kontan ki Lasanble i felisit zot pou

kontinyen sa bon travay ki zot pe fer.

(APPLAUSE)

HON RICHARD LABROSSE

Mr Speaker, mon kestyon pou Minis. Minis *CEO* osi, zis pou kontiny lo menm laliny ki Onorab Labonte in demande.

Eski dan sa travay ler ou'n koze ou pe fer bann demars avek Minister Later, Minister konsernen pour Later. Ler nou pe koz devlopman, nou pe koz osi biznes lenvestisman.

Eski i annan en konversasyon osi kekfw ki zot pe fer avek *SIB* pou fer sir ki nou lo menm laliny nou tou ler nou pe koz lo lenvestisman pour Sesel? Mersi Mr Speaker.

MR SPEAKER

Mersi. Minis. *CEO* ou annan laparol.

CEO SONNY PAYET

Mersi Mr Speaker. Mersi Onorab. Definitivman zot ti ava'n vwar resaman dan konmansman sa lannen ki nou'n lans bann proze Kato Nwanr e sa se an partenarya avek *SIB*. *SIB* ki sa Minister, sa Departman Gouvernman ki responsab devlopman bann biznes.

E nou zwenn ansanm pou nou kree sa zefor koman pou nou kapab fer bann devlopman parey. E Kato Nwanr i en legzanp ki nou ankor pe kontinyen.

E parey Minis in dir, nou annan ankor later lo Praslin ki nou anvi a disponibilite bann lenvestiser pou vini, sirtou Seselwa.

Akoz nou konsernen se ki letan nou met devan, napa bokou dimoun ki anvi vin devan. Me selman i annan bokou dimoun ki koze zot anvi vin fer biznes.

Nou pou byento ankor lans bann *expression of interest* pou sa bann kare later lo Praslin, lo Mahe pou fer sir ki nou bann Seselwa i vin devan pou zot kapab inisyé zot bann biznes. Mersi Mr Speaker.

MR SPEAKER

Mersi *CEO*. Onorab.

MINISTER **ANTONY**
DERJAQUES

Mr Speaker, eski.

MR SPEAKER

Wi, oule azoute Minis ?

MINISTER **ANTONY**
DERJAQUES

Yes. Mr Speaker, mon pran sa sans ankor pou lans en demann parmi bann zenn Seselwa.

Annou konmsi ler nou asize nou mazine ki nou pou fer ek nou lavi, ki nou pou fer pou nou pei. Annou pran sa, annou ase kouraze pou nou vin devan pou nou sey kree en lantrepriz, kree en biznes.

Annou antre dan biznes, annou fer keksoz. I annan bann departman ki la. I annan en Minister Antreprenner ek son Minis ki byen aktiv, Minis Devika. Nou pe sey kree tou posib pou fer ki bann zenn i ganny plase dan sekter prive osi. Pa zis rod en travay, pa rod zis pou vin travay avek *Civil Service* ouswa konman en *employee*.

Rod osi ki ou kapab kree ou prop biznes. I annan en kantite sans. Nou fer en kantite *tender* Eve Island nou'n *tender* en kantite later e zis apepre lanmwatye in ganny pran.

Kato Nwanr nou pe fer parey. Partou i annan bann loportinite, silvouple pran sa bann loportinite. Zot lavenir i dan zot lanmen e nou konman en Gouvernman nou pou ed zot avanse dan lavi. Fer biznes bann zenn. Mersi.

MR SPEAKER

Mersi Minis. Onorab Monthy siplemanter.

HON PHILIP MONTHY

Mersi Mr Speaker. Bonzour Minis ek ou delegasyon.

Minis i deza annan serten biznessmenn ki pe deza *operate* serten biznes ki bann aktivite, ki annan pou fer avek Por. Me ki pa pe ganny en morso later pou zot fer zot aktivite.

Mon annan enn mon zabitan, Mr Fred Gappy. Mon kapab nonm son non, i pe *struggle* pandan en pe letan.

Ki Lotorite Por i fer pou ki zot kapab met a dispozisyon sa bann dimoun ki deza dan sa aktivite, pou kapab met a son dispozisyon en morso later ki a fasilite zot loperasyon ki zot pe fer.

E apre ou'n dir zot pou angaz zot ek Minister Later, ki tre byen. Nou konnen i annan bann gran propriyete, gran morso later obor lakot ki'n ganny donnen oubyen vann bonmarse avek bann ansyen, avek bann dimoun ki ti annan koneksyon avek ansyen Gouvernman.

Eski dan zot diskisyon zot pe mazin al dan laliny pou rebran sa bann morso later ki i annan pe rod vann pou \$2 milyon? Mersi.

MR SPEAKER

Mersi. Minis.

MINISTER ANTONY DERJAQUES

Mersi Mr Speaker, premye faz sa kestyon Mr Payet i ava pran, mwan mon ava tous lo sa bann ansyen later ki'n ganny donnen ki nou kapab fer. Mersi Mr Speaker.

MR SPEAKER

CEO ou a konmanse.

CEO SONNY PAYET

Mersi Mr Speaker. Onorab nou kontinyen vwar avek bann dimoun, bann devloper ki anvi devlop oubyen travay lo lakot, annan bann later a nou disponibilite.

Parey monn dir dan mon repons avan, se ki nou an etrwat diskisyon avek *MLH* pou fer sir i annan serten later ki kekwfa ki pa pe ganny devlope, ki pa anba nou manda ki nou pe met anba *SPA* responsabilite pou nou kapab kree sa bann fasilite pou bann dimoun, parey ou'n dir ki pou vin devan.

Me i osi annan bann lezot endividi ki pe okip bann later ki obor lakot ki nou pe *meet* avek zot byento, ki nou bezwen regularize, normalize ki aktivite ki korek dan sa faz portyer. Mersi.

MR SPEAKER

Mersi. Minis.

MINISTER ANTONY DERJAQUES

Mr Speaker, Belombre ti en legzanp kot dan lepase, zis detrwà dimoun ti ganny later san en keksoz transparan, san en keksoz ki mwan mon vwar ti legal.

Alor nou ti refer e nou'n fer *tender* par egzantp nou'n fer apepre 3 *tender* pou Belombre.

E la *ok*, nou annan bann *best bidders* ki'n vin devan avek en kantite konsey ek presyon kot zot Onorab, Mr Sandy Arissol ki'n an kontak ek *DA* osi lo tou sa bann prosedir.

Prezan nou pe bouz devan. Akoz i annan bann dimoun serye prezan ki'n vin devan e zot in kalifye, prezan zot ava anvoy zot proze kot nou.

Bann later ki'n ganny donner dan lepase, espesyalman bann ki'n ganny donner akoz bann faver politik, i annan en *development clause* dan okenn lagreman si zot pa'n devlope sa lagreman i bezwen *void*. Gouvernman i bezwen rebran.

Si i annan en *development clause* e zot pa'n devlope. I fodre ki Minister *Lands* ki ansarz later tou later Sesel,

fodre zot osi zot aktiv e fodre zot rebran.

Sa i donn nou plis sa larises. Sa later pou nou kontinyen devlope. Nou pa kapab kit later *ideal*, espesyalman dan bann *zone* kot in ganny *earmarked* pour lendistri ek lantrepriz ek komers e spesyalman se pep Seselwa ki'n servi son *tax money* pou pey bann *land reclamation* dan lepase.

Alor, Mr Speaker sa larepons se wi nou bezwen aktiv, nou bezwen al rode, nou bezwen fer nou resers e ler i legal pou rebran nou bezwen rebran e fer nouvo *tender* pou bann dimoun ki pare pou devlop sa bann later. Mersi.

MR SPEAKER

Mersi Minis. Onorab Roucou.

HON MICHEL ROUCOU

Mersi Mr Speaker. Mr Speaker, si Minis i kapab dir nou, ki bann kriter zot pe met an plas pou fer sir ki bann dimoun ki ganny *award* avek sa bann *tender* pou dir zot kapab devlop sa bann later li menm li, kot zot pa vwar zot dan en pozisyon kot zot bezwen al bezwen rebran sa bann later akoz sa bann dimoun pa pe devlope avek en dele letan? Mersi.

MR SPEAKER

Mersi.

MINISTER ANTONY DERJAQUES

Mersi Mr Speaker. Eski Mrs Alexis, *Legal Advisor* i kapab reponn? Mersi.

MR SPEAKER

Mrs Alexis, ou annan laparol.

LEGAL ADVISOR ESTELLE ALEXIS

Mersi Mr Speaker. *In terms of* sa bann devlopman, letan nou fer nou bann *expression of interest* i *specific to* bann diferan kalite devlopman.

Swa i bann devlopman ki por i deza annan antet ouswa ki'n fini devlope atraver son *Business Development Department*. Ouswa i bann *open expression of interest* ki les dimoun vini avek zot bann nide pou zot.

Each expression of interest ki ganny lanse, letan nou pas atraver nou bann staz *tender*, i annan bann sak *expression of interest*, sak *tender* i annan son spesifik kondisyon ki ale avek *in terms of* kriter pou nou swazir sa bann dimoun.

Lo kote Por nou pe met an plas en nouvo *policy for property management as well* ki nou pe travay lo la, ki pou met

an plas bann kriter *in terms of renting, leasing* later. Par egzanp lo nou kantite ki *renting* i *cost*. E bann lezot kriter ki nou anvi met an plas par egzanp lo kote lanvironnman, *because* nou pe *aim* pou vin *green Port*. So, bann devlopman koumsa.

E, so sa bann kondisyon i spesifik pou sak devlopman ki ganny fer e atraver zot bann *Lease Agreements* ki zot gannyen, zot bann *Sub Lease Agreements* ek por zot bann kondisyon i spesifik e zot devlopman ki zot pe fer.

MR SPEAKER

Mersi Mrs Alexis. Kestyon Onorab William.

HON WAVEN WILLIAM

Mersi Mr Speaker. Bonzour Minis avek ou lekip. *Minister* par lefe ki zot in mansyonnen poudir avek sa bann kare later ki tonm anba zot responsabilite por avek bi ankouraz plis lezot pou antre pou fer biznes.

Mon anvi konnen si zot pe atas vreman lenportans avek kriter ki annan pou fer avek polisyon, ouswa bann debri ki reste lo sa bann kare later kot deza i annan bann biznes ?

E nou pe realize poudir deplizanpli lo lakot ki i annan pou fer avek Por, i pe ganny polye. E nou ti a kontan

konnen konmsi si zot annan en fason pou zot *monitor* an menm tan pran aksyon ?

Akoz si nou pa fer li *Minister*, dan lavenir nou por pou mon kapab dir, la nou pe mazin fer en pli gran Por. Me mon anvi konnen si zot pe enplimant sa bann kondisyon ki tonm anba sa bann lagreman, sirtou kot i konsern lapropte avek polisyon nou lanmer lakot. Mersi.

MR SPEAKER

Mersi.

MINISTER ANTONY DERJAQUES

Mr Speaker, eski mon kapab konmanse apre *CEO* i ava reponn?

Mr Speaker, sa *Ministers of Transport meeting* kot mon ti ale en semenn edmi pase, enn bann topik pli enportan mondyal baze lo *climate change*, i bann *green Ports*.

E nou tou nou'n vwar ki manner nou pou bezwen kontrol polisyon, kontrol ler, delo, *low carbonization* pou nou kapab bouz a lavenir pou nou zwenn *targets* ki *COP-2026, 2027, 2028* in met avek nou e ki bann konvansyon osi i koze lo la.

Sesel nou'n angaz nou, wi pou nou antre sa *concept green Ports*. Sa i lo Polisi.

Eski *CEO* prezan i kapab reponn, Mr Speaker?

MR SPEAKER

CEO ou annan laparol.

CEO SONNY PAYET

Mersi Mr Speaker. Onorab wi, parey mon *Legal Advisor* in ganny, in *comment* en pti pe, nou pe viz parey Minis pe dir ver en *green Port area*.

I en legzersis konplike, difisil ki pran letan. Me osi letan ou pe regard dan bann landrwa portyer kot nou bann *tenants* i okipe, nou tre strik avek fason ki zot *dispose*, zot met zot bann lekipman ensidswit oubyen zot bann *waste*. I pli *acquit* la a sa moman ki i ti ete dan lepase.

E i en *continuous* zefor ki nou bezwen fer e osi nou vwar pa zis ater, i annan osi lo lanmer kot nou vwar i annan bann salte ki akimile.

Parey nou pe vwar lo si nou get Praslin, La Digue dan nou bann landrwa kot nou devlope. I annan gomon ki a serten letan, sezon divan i akimil dan basen Baie Saint Anne oubyen dan basen La Digue.

Sa por in pran sa manda pou netwaye, pou fer sir. E pa zis gomon ki vini, ou vwar bann boutey, ou vwar bann plastik, ou vwar tou bann ki packt ki ganny kree ki vin kot nou.

So, nou annan sa linisyativ netwayaz lanmer e ater ki nou bezwen pe anplifye li o firanmezir pou fer sir dimoun ki vin dan Por. Bann bato, bann *cruise*, bann nenport ki aktivite zot respekte bann norm ki por i met anplas. Mersi Mr Speaker.

MR SPEAKER

Mersi. Wi Onorab William, si oule klarifye keksoz?

HON WAVEN WILLIAM

Mersi Mr Speaker. Zis mon ti anvi, *well* pa zis pou mon prop lenformasyon personnel, pou piblik.

Me parfwa i annan en loder dan lavil, konmsi si zot kapab eksplik nou kwa ki fer sa ?

E akoz parfwa nou pe *promote tourism*, nou annan bato krwazyer ensidswit, i annan en loder ki enkrwayab. Si zot ti kapab donn ou en pti pe leksplikasyon kwa ki fer sa ? Mersi.

MR SPEAKER

Mersi.

MINISTER ANTONY DERJAQUES

Mr Speaker eski *CEO* ki son lofis i tre pre avek sa landrwa i kapab reponn. Mersi.

MR SPEAKER

CEO.

CEO SONNY PAYET

Mersi Mr Speaker. Loder pa sorti kot mon lofis definitivman. Nou kapab klarifye sa, se ki tou bann dimoun ki frekant por *Victoria* nou a vwar ki loder pa sorti lo lanmer oubyen lo ater, lo ater ant girme, me selman i bezwen sorti lo bann lendistri. Mon pa pe pwent ledwa negativ ver sa lendistri, se kot *IOT* ki nou'n vwar i annan. En, de semenn pase i ti annan en lanons ki zot pe rektifye en problemn.

E sa i afekte antye *Victoria*, antye bann distrik ki baliz avek *Victoria* letan sa bann loder i ganny *dissipate*.

So, i pa vreman sorti kot Por. Por i regarde avek son bann *stakeholders* i fer sir e la i manda sa bann lendistri, dan *IOT* partikilye. Pou fer sir avek zot bann lenstalasyon ki zot deza mete, ki zot pe mete. Ki mon santi zot pe al enplimante pou met an plas ki minimiz sa bann loder dan nou lavil

oubyen dan sa rezyon Victoria.
Mersi Mr Speaker.

MINISTER **ANTONY**
DERJAQUES

Mr Speaker, zot in sipoze in fini rektifye. Ti annan en pe *decomposition of bycatch* akoz zot *storage* ek zot *refrigeration system* ti'n ariv en problem e se sa ki sa loder pandan detrwa zour enn de semenn pase ti vremen grav.

Minister Lanvironnman i annan kontak direk avek zot e pe negosye, pe regarde ki mannyer zot kapab rektifye e amelyore.

Solman ti annan bann pwason ki ti pe pouri, bann *bycatch*. Mersi.

MR SPEAKER

Mersi Minis. Onorab Woodcock

HON WAVEL WOODCOCK

Mersi Mr Speaker. Minis i annan sa *challenge* ou kapab dir lo Praslin kot i konsern bann later ki al lo *tender*.

Ou'n mansyonn Ile Eve osi, kot dan lepase plizyer kare later in al lo *tender*, me selman lakantite dimoun ki pe vin devan pou *apply* pou en kare later i minim.

E mon konnen i osi en defi ki zot pe fer fas avek lo sa proze Kato Nwanr. Kot petet pa

bokou bann biznes lo Praslin, ki bann pti biznes Praslin ki pe vin devan pou *apply* pou sa bann bout later. I annan *availability* later, Ile Eve e Kato Nwanr.

Mon kestyon i eski zot in sey fer en legzersis, *I don't know*. Ouswa sey rod en fason pou met sa plis a latansyon piblik lo *availability* sa bann later ki annan?

Akoz mon santi, mon vwar li i drol. Me selman i annan dimoun ki dir poudir zot pa okouran poudir i annan sa bann later *available*. Ki menm. mon menm mwan monn vwar a plizyer repriz in ganny diskite dan Lasanble, pas dan Nouvel. Me petet en legzersis en pe pli direk avek bann biznes ki nou annan lo Praslin sirtou, par lefe ki sa bann later i ganny trouve lo Praslin. Mersi.

MR SPEAKER

Mersi.

MINISTER **ANTONY**
DERJAQUES

Mersi Mr Speaker. Pou Kato Nwanr, menm Prezidan in fer plizyer *meeting* piblik ki ou ti pran par ladan, Onorab Doyace donn nou en kantite bann zoli lide, i ti pran par ladan.

E zot tou le de konman *MNA* zot ti fer sir ki bann Pralinwa i *attend*. E sa bann

meeting lasal ti plen. Tou bann dimoun ti konnen. E nou'n fer sa plizyer fwa.

E bann *follow up* i dan *press* TéléSesel i kouver, *SBC* i kouver.

Pou bann later Eve Island, Minis Vidot Devika ti osi fer bann *meeting*, ti *advertise*, *tender* ti dan tou bann papye. E nou *issue* se ki, enn ou bezwen swiv e ou bezwen ranpli sa bann form e i konmans en prosis anba en Lalwa *POU Act*.

I difisil pou konmans en *procedure* apre ou kase akoz i vin ilegal e okenn dimoun ki'n konmans pran par i kapab *challenge* en dezyenm *tender*.

Ou bezwen *almost* konmsi, konplet sa faz si *unsuccessful* napa *best bidder at the end* ou pa kapab swazir personn ou bezwen re konmans ankor. I pa en keksoz ki kapab ganny fer dan en fason arbitrer.

Wi kekfwa *SIB*, kekfwa Por, kekfwa Minis ki ansarz *Industrial Estate*, kekfwa nou devret fer bokou plis *sensitization*. Kefkwa nou devret prepar nou bann biznesmenn, nou bann antreprenner pli byen.

Solman mon asir ou ki Gouvernman in fer son maksimonm e ti annan latansyon tou dimoun. Tou dimoun ti ganny *involve*. Par

egzanp pou Praslin nou ti menm kree en Komite Praslin.

Ok e i ti annan apepre 7 dimoun lo la ki ti osi fer sa travay koz ek tou bann biznesmenn.

Mr Speaker, nou en pei kot mon krwar nou bezwen fer plis zefor pou nou antre dan bann biznes. Pou nou pran bann loportinite.

E i pou sa rezon ankor enn fwa mon demann bann zenn pou zot angaz zot. Pou zot vwar ki zot lavenir i pa zis pou travay par egzanp *manager* en lotel ouswa travay avek Gouvernman, ouswa al travay avek en *SOE*.

Be travay dan prive. Kree larises. Ler ou kree larises la, ou pe donn lanplwa, ou pe kree biznes, ou pe pey *tax* e pei i vin bokou pli ris. Mersi Mr Speaker.

MR SPEAKER

Mersi. Bon nou termin la lo sa kestyon.

Mon remerci bann zofisye ki'n avek nou. E egalman kestyon 139, Onorab Churchill Gill pa la pou poz son kestyon.

So, nou pou sot sa enn e pou kestyon 140 ek 141 nou bezwen Mr Patrick Andre e Mr Parinda Herath. Mersi bokou lezot zofisye.

Byenveni Mr Parinda Herath, *CEO Seychelles Land Transport Agency* ki'n zwenn Minis ek Mr Andre. Pou kontinyen avek kestyon limero 141 dan non Onorab Kelly Samynadin. *Sorry* Onorab premye kestyon 140 mersi.

HON KELLY SAMYNADIN

Mersi Mr Speaker. Bonzour Minis avek ou delegasyon e tou dimoun a lekout.

Kestyon 140 i lir koumsa. Eski Minis i kapab donn sa Lasanble en leksplikasyon lo lakoz ki serten proze *SLTA* pa pe kapab ganny konplet? Mersi.

MR SPEAKER

Mersi.

MINISTER ANTONY DERJAQUES

Mersi Mr Speaker. Onorab tou proze ki *SLTA* in angaz li dan lannen 2023 in ganny konplete.

Apar ki bann in ganny bidzete par faz e alors pe ganny enplimante pa faz. Par egzantp i annan semen Pasquièr Praslin, e *third lane* kot Point Larue obor *airport*. Sa de i en legzanp ki annan proze ki kontinyen apre 1an, i kontinyen dan dezyenm lannen.

Pou sa lannen 2024, tou bann nouvo proze i dan bann

diferan gran staz lenplimantasyon.

Me parkont i annan proze ki nou swete kapab bouz en pe pli vit. Me nou pa kapab aköz i annan serten mankman materyo parey makadanm.

An se moman nou pe ganny zis apepre 70 pousan makadanm ki nou ti ava swete.

Bann proze par egzantp ki dan sa premye 6 mwan in ganny konplete, mon pe donn zot zis enn de legzanp i *comme* swivi.

Zone 6 Providence in konplete. Anse La Mouche, obor *ice plant* nou'n konplete. Sa lannen, bann proze sa lannen mon pe koz lo la.

Providence *parking area* premye *layer, completed*. Anse Boileau Clinic kot Montagne Posee *junction*, nou'n konplete. *West Coast Project* pe kontinyen. *Upper Cascade* mon fyer pou vwar Onorab Monthy in met sa lo *Facebook*, nou'n konplete.

Vallée de Mai, 2 mwan pase Prezidan ti mont avek nou avek Onorab Doyace ti la, Onorab Woodcock ti la. Nou ti koze, Vallée de Mai nou ti dir annou fer sa semen ziska anba Baie Saint Anne. Nou'n fini konplete anler, nou'n ariv anba kot Baie Saint Anne.

Savedir nou pou konplete dan ankor en semenn, dan enn de semenn.

I annan bokou bann proze ki nou ti kapab fer li konplete lafen lannen, akoz ou konplet en proze *within one year*. Be la i fer 5 mwan pe al lo 6 mwan in fini konplete.

I annan bann *secondary roads* osi, mon a donn enn de legzanp.

Anse Louis, *feeder road* kot Tirant, konplete. Roche Bois *feeder road*, konplete. Anse Louis *Feeder road*, konplete. Anse Aux Pins kot Chetty flat, konplete.

Bann lot proze ki apar ki semen, i annan *crash barriers* Au Cap, Saint Roch, Maldive, Pointe Larue, Anse Des Genets eksetera, eksetera konplete.

Footpaths Saint Louis *main road*, konplete. Beau Vallon, *main road widening* obor *Boat House*, konplete. Hangard Road, *street widening* anvil la obor nou, konplete. *Cemetery road* Port Glaud, *Improvement*, premye faz konplete. *Foothpath* Les Mamelles, konplete. *Foothpath* Grand Anse, konplete. Bel Ombre *foothpath*, konplete.

Mr Speaker, si mon konmans dir ki nou'n konplete nou pou reste la ziska 4er apre midi. Mersi Mr Speaker.

(APPLAUSE)

MR SPEAKER

Mersi Minis.

(APPLAUSE)

MR SPEAKER

Onorab Samynadin, ou annan siplemanter?

HON KELLY SAMYNADIN

Mersi Minis pou ou larepons byen detaye.

Mon annan de pti kestyon siplemanter pou ou. Depi lannen pase nou ti fer en lalis rekizisyon an sa ki konsern re sirfas semen pou distrik Au Cap.

La nou'n ariv Zen, nou annan serten semen ki annan bokou trou ladan. Vizit in ganny fer, me selman nou pa ankor konnen egzaktaman kan ki sa proze re sirfas semen pou fer.

Aprè dezyenmman, mon ti a kontan konnen ki sitasyon sa kote semen vizavi biro ladministrasyon distrik, ki son sityasyon? Akoz mon vwar i annan en serten travay in ganny fer, me selman ziska ozordi depi ler in ariv sa sityasyon kot semen ti grennen, i annan en travay ki'n ganny fer, me selman ziska ozordi nou

vwar i annan *cone* ki ankor la lo semen ki kree serten lenkonvenyans pou motoris.

So, mon ti ava kontan konnen ki sityasyon sa semen e kan ki sa pou ganny konplete silvouple? Mersi.

MR SPEAKER

Mersi Onorab.

MINISTER ANTONY DERJAQUES

Mersi Mr Speaker. Zis en pti remark, i annan *coast erosion* osi pe arive.

Par egzanp enn ou bann legzanp ki ou'n donnen, sa i en *coast erosion* kot sa bann *cones* i ete.

Savedir nou pe atak li e nou pou atak li. Solman i pa en proze ki ti dan Bidze, i en proze ki ou bezwen fer akoz lakot pe ganny afekte.

Mr Speaker eski bann lot pwen ki Onorab in *raise*, *CEO* i kapab reponn? Mersi.

MR SPEAKER

CEO, ou annan laparol.

CEO PARINDA HERATH

Mersi Mr Speaker. Bonzour tou dimoun. Lo kote bann proze asphaltting work oubyen *maintenance* lo bann semen Onorab. I, nou pe fer bann vizit avek bann *MNAs* menm e osi

DAs dan bann distrik pou nou *compile* bann lalis pou sa lannen. E sistematikman nou pe atak bann proze dan diferan distrik. I annan serten lalis ki Minis in fek nonmen la. sa i bann proze ki *either* nou konplete oubyen i annan detrwa ki'n mansyonnen ki bann proze ki *ongoing*.

Be i annan bann travay *maintenance*, i bann travay ki kontinyelman nou bezwen fer.

Nou annan bann dimoun ki pase, ki fer bann lenspeksyon pou nou konnen ki bann landrwa, ki priyorite. Kot semen i pli andomaze, eksetera.

Sa letan ki nou ti gannyen lo konmansman lannen. Depi lannen pase annefe, depi Desanm ziska la nou ankor pe ganny peryod lapli for e sa i pa pe ed nou.

I pe menm retard serten louvraz ki nou bezwen fer e i osi pe kas semen. Bann semen ki petet pa ti devret dan lalis pou fer *maintenance* sa lannen, nou bezwen anvoy li dan lalis sa lannen akoz avek sa bann advers kondisyon letan i pe ganny andomaze plis ki nou ti ekspekte.

So, dan tou distrik nou annan bann proze ki nou pe fer. Bann pti semen segonder e osi lo bann semen primer. Me selman avek resours ki nou

annan, nou bezwen prioritiz serten landrwa ki pli enportan, ki pli andomaze si oule.

So, sa i en travay ki nou pou kontinyen e nou pou travay *close* avek *DA* avek *MNAs* dan bann distrik pou nou kapab fer sa travay. Mersi.

MR SPEAKER

Mersi.

MINISTER ANTONY DERJAQUES

Mr Speaker, mon ti ava kontan pas en konpliman avek bann *MNA*.

Mon vwar parey Onorab Kelly. Ou osi ou angaze pre, par egzant sa *bus stop* kot *Green Estate*, nou'n fini *tender* e byento nou ava dir konplete.

Mon kontan ki zot tou, zot angaz zot pre avek Minister Transpor avek *SLTA* e nou pe anmenn sa bann devlopman dan tou zot bann distrik.

E mon felisit zot pou zot bann devouman e mon vwar ki zot vreman angaze. Mersi Mr Speaker.

MR SPEAKER

Mersi. Nou a pran siplemanter Onorab Roucou.

HON MICHEL ROUCOU

Mersi Mr Chair. Minis si ou kapab dir nou eski *SLTA*, nou

konnen poudir tou le lannen i annan en lalis ki zot demann Lotorite Distrik pou donner lo bann proze ki nou ti ava voudre vwar, an term lalimyer, *crash barrier*, laglas pou sekirite bann motoris.

Si ou kapab dir nou si *SLTA* i kapab *provide* nou distrik avek en lalis bann proze ki zot anvizaze fer sa lannen ki sa osi i ava ed nou pou nou konnen. Mersi.

MR SPEAKER

Minis.

MINISTER ANTONY DERJAQUES

Mr Speaker, sertenman wi nou ava fer li e sa bon lantant ant bann *MNA* avek nou departman ek *SLTA* i ava kontinyen. Mersi Mr Speaker.

MR SPEAKER

Mersi. Onorab Mondon.

HON TERENCE MONDON

Mersi Mr Speaker. Mr Speaker, mon anvi demann Minis eski zot fer provizyon adisyonnal pou Bidze, pou kapab fer en pe plis ankor pou sa lannen?

E eski mon kapab ganny en konfirmasyon ki sa proze semen Bougainville, pou amelyor sa semen Bougainville

pou kapab ganny fer dan dezyenm lanmwatye sa lannen ? Mersi Mr Speaker.

MR SPEAKER

Mersi Onorab. Minis.

MINISTER ANTONY DERJAQUES

Mr Speaker, an preparasyon pou Bidze 2024 mon kapab dir zot ki Minister Finans pou prezant avek zot en Bidze ki in *increase*.

MR SPEAKER

Ou pe dir 2025 Minis?

MINISTER ANTONY DERJAQUES

Wi 2025. Pou apepre en 40 milyon plis. Solman an partikilye sa osi i lye avek *climate change* avek *coastal erosion*.

pou sa semen ki ou pe koz lo la Onorab, nou pou bezwen fer en pe *savings* ouswa dan bann travay ki *SLTA* i gannyen, ennler i ganny peye par bann sekter prive pou fer semen. Se dan sa fason ki nou kapab fer bann proze ki an deor Bidze, an deor nou bann lokasyon.

Parey pou 2023, sa *lane* la Mont Fleuri avek Anse Aux Pins sa i de proze ki pa ti dan Bidze li. Be *CEO* in nobou fer li e nou'n travay.

Savedir ki mon pe sey reponn, se ki wi i annan bann proze ki *very deserving* e kot nou vwar konmsi i annan lespas e nou kapab ganny sa lanmonnen atraver nou bann zefor nou vin fer li.

Savedir ou demann, wi i lo orizon, i lo nou'n fini mark li *down*, nou konnen e nou ava gete ki nou kapab fer. Mersi.

MR SPEAKER

Mersi Minis. Onorab Labonte siplemanter.

HON ANDY LABONTE

Mersi Mr Speaker. Mr Speaker, avan mon demann mon kestyon, mon anvi remerisi felisit *CEO* Herath akoz nou travay vreman *close* e i delivre lo mazorite proze.

Me selman nou konnen poudir i annan serten difikilte. Parey bann semen ki nou English River nou annan, parey Pti Pate, Thompson Lane, Plato Ma Joie.

Konmsi ki bann difikilte parler ki zot rankontre, sirtou *in terms of survey* oubyen petet en sinerzi avek *Local Government*. Konmsi donn en pti leksplikasyon, par ler kwa ki vreman fer ki sa bann proze pa kapab materyalize lafason oubyen pli vit posib ki nou bann *MNA* nou ti a swete? Mersi.

MR SPEAKER

Mersi. Onorab. Minis.

MINISTER ANTONY DERJAQUES

Mr Speaker, enn nou bann problemn mazer, apart ki alokasyon. Alokasyon dan Bidze sa i vin devan zot, osi zot travay lo Bidze e zot konnen ki pa tou nou bann demann, menm pou transpor akoz si zot donn ou en Bidze, nou kapab refer tou semen Mahe.

Solman nou pa gannnen. Nou kapab fer en bon pe, e apre nou bezwen prioritize. E sa i apre en diskisyon avek zot, avek zot DA. Avek DA.

Bann problemn a par ki finansyel, se *wayleave*. *Wayleave* i enn bann keksoz ki i kontinyel. Dimoun i annan zot later aker, dimoun i kontan zot later e anler zot bezwen annan sa balans ant donn sa later pou *encroachment* pou fer *pavement* ek semen e gard sa later pou zot prop devlopman.

Par egzanp, pou *west coast road* e *south coast road project* i annan apepre 700 kare later kot nou bezwen negosye pou *way leave*. Sa i zis en legzanp. Mon konnen dan ou distrik sa 3 proze kot ou'n dir nou, *way leave* i en gran *issue*.

Si *CEO* i anv'i azoute Mr Speaker.

MR SPEAKER

Yes, *CEO* si oule azoute.

CEO PARINDA HERATH

Mersi Mr Speaker. Bon, apart *issue* ki nou gannnen avek *way leave* i annan osi bann retar ki nou gannnen petet lo kote enplimantasyon. Setadir, depi ler nou'n inisye en proze ziska ler en proze i kapab konmanse, i annan plizyer bann prosedir ki nou bezwen pas ladan.

I annan sa prosedir kot en proze i bezwen ganny *survey*, en landrwa i bezwen ganny *survey* avan nou kapab menm konmans *design* en proze.

So, se *surveyors* kantite *surveyors* ki annan dan pei i annan en mankman posibleman e i annan en retar ki nou gannnen dan bann proze letan ou pe al *survey*. E sa i en pe plis lo Praslin ek La Digue. Bokou difikilte pou nou fer bann *survey*. E sa i kapab pran plizyer semenn.

Apre letan nou al dan prosedir *tender*, prosedir *planning*, prosedir *procurement* tousala i annan son bann letan ki vin avek. E si letan nou'n fer prosedir *procurement*, i annan bann *appeals* ki vini. Sa i kapab retard proze plizyer

semenn e menm mwan pou nou kapab konmans en proze.

So, letan nou met tou sa bann retar ki akimile. Malerezman en proze i kapab pran menm 6, 7 menm 8 mwan depi son konmansman lannen annou dir pou kapab konmans li lo *site*. E i annan bann lenstans kot sa i vin bokou plis ki sa osi.

So, sa i bann retar ki nou gannnen avan en proze i konmans. E osi letan en proze in fini konmans, lo *site* i kapab annan bann lezot difikilte ki vin avek. Petet teren anba later par egzantp i pa sa ki nou nou'n espekte. Oubyen i annan bann diskisyon avek bann lezot kominote, konmsi bann dimoun ki *around* ki annan serten dezagreman.

So, i annan plizyer bann rezon ki kapab fer bann proze ganny bann retar ki nou nou bezwen *deal* avek. Mersi Mr Speaker.

MR SPEAKER

Mersi *CEO*. Siplemanter Onorab Henrie.

HON GERVAIS HENRIE

Mersi Mr Speaker. Ankor enn fwa bonzour tou dimoun. Dabor mon ava dir mersi *SLTA* pou bann travay ki zot fer dan distrik Mont Buxton e mon

krwar dan tou lonnekte, dimoun Mont Buxton i vwar bann *secondary road* i kontinyelman ganny met koltar. Zot pa pou kapab konplent, poudir Lotorite Distrik pa pe fer sa travay.

Mr Speaker, mon note ki Minis in mansyonn sa sonm 40 milyon ki zot anvizaze gannnen an plis lannen prosen dan Bidze.

E mon ava dir avek dimoun note ki sa *environmental tax* ki Gouvernman pe ranmase atraver bann letablisman touristik. Se sa ki pou ede pou bann antite ganny sa bann larzan an plis.

So, nou pa merit reziste. Akoz ziska sa semenn mon vwar, rezistans pou bann letablisman touristik anmas sa larzan.

So, silvouple annou ed nou pei avek bann lenpak lanvironnman ki nou pe gannnen.

Kestyon mon oule demande Mr Speaker, Minis in dir poudir zot in pe reisi konplet zot bann proze sa lannen. Mon anvi konnen enn, si savedir zot ankor pe reste dan sa *amount of* larzan ki zot in gannnen dan Bidze pou 2024 e ki alors zot pou kapab konplete tou bann

proze avek larzan ki zot in gannyen pou 2024 ?

Dezyenmman, lefe ki zot pe fer osi byen. Eski i annan lespas ki nou kapab demann en proze an partikilye an plis ? Sirtou akoz i annan en alokasyon 10 milyon osi ki kapab kolabore avek *Local Government* pou fer serten proze semen spesifik?

Par egzanp Mont Buxton, son *main road* i demann en *resurfacing* e depi ler mwan monn la 2016, zanmen sa in leka.

So, i ti pou en gro kado si nou ti kapab gannyen, si i annan mwayen finansyel ? Mersi.

MR SPEAKER

Mersi. Minis ou repons.

MINISTER **ANTONY**
DERJAQUES

Mr Speaker, mon a pran en legzanp lannen pase.

Bidze *SLTA* ti'n fini *by September*, Septanm. Nou ti'n fini tou nou alokasyon akoz nou ti'n travay *ahead*. Nou travay tre vit e sa i konpri tou sa bann proze ki ti dan Bidze.

Ki arive sak lannen i annan en *mid term review*. Kot Minister Finans e a lafen *cabinet* i deside lo en alokasyon plis resours.

Mon a donn en legzanp. Parey sa lannen, mon asire nou pou fini premye faz *third lane Point Larue*. Prezan nou anvi dezyenm faz pou ariv kot *Amalgamated tobacco*. Prezan nou pe esey negosye pou sa 6 milyon an plis. E nou pou *tender*, nou pou *tender* byento. Kantmenm i pa dan alokasyon nou pou *still* kontinyen.

Nou trouve ki wi ou bouz vit ou enplimante, ou fini ou proze apre ou al ankor ou al demande. I annan lespas e sa i depan lo performans osi bann lot proze.

Si i annan bann lot proze ki pa pe ganny enplimante i kapab annan diskresyon avek *Ministry of Finance* pou zot regarde, *ok* nou kapab konsantre lo sa bann la, sa bann la nou kapab anvoy pou lot lannen 2025.

So, i annan sa ki arive. Gouvernman toultan i reste fleksib. E si par egzanp nou trouve e anvoy mon en pti gin detay lo sa semen Mont Buxton, nou ava kapab anvoy. *SLTA* i ava anvoy son bann enzenyer pou al regarde.

Mr Speaker, nou reste disponib, nou reste fleksib e tou sa ki nou kapab fer nou pou fer li. Mersi.

MR SPEAKER

Mersi Minis. Onorab Esparon.

HON REGINA ESPARON

Mersi Mr Speaker. Bonzour Minis ek ou delegasyon.

Mr Speaker, enn kestyon mon ti anvi demann Minis, ki mon ti anvi demann Minis si zot fer sa *assessment* detanzaot lo bann semen pou regard kondisyon e *CEO* in reponn sa.

Dezyenmman, ki mon ti anvi konnen. Eski zot annan sa korperasyon avek lezot lazans ki kas semen? Parfwa ou vwar zot, zot fek fini fer en *patch* lo semen e ou vwar sa lot lazans in vini parey *PUC*, in kase.

Eski zot annan sa korperasyon ki ler sa bann lazans i kase, apre i annan sa kominikasyon avek *PUC* avek *SLTA* pou repar sa bout sa semen ? Ki mannyer sa i marse avek zot lazans ?

E Minis mon ti a kontan felisit ou Departman *SLTA*, parske mon krwar zot devret vin en legzanp pou lezot Minister. Parske zot annan sa bon korperasyon dan travay ek distrik. Mersi.

MR SPEAKER

Mersi Onorab.

MINISTER **ANTONY**
DERJAQUES

Mersi Mr Speaker. Mon kontan ki bann travayer *SLTA* pe ekoute. E tou sa ki zot zefor pe ganny rekonnnet par Lasanble Nasyonal.

E *CEO* i la mon asire i ava pas mesaz avek tou son bann travayer.

E *PS* i la pou Departman transpor, e li osi i ava pas sa mesaz avek tou bann ki pa a lekout dan son departman. Mersi, Mr Speaker.

MR SPEAKER

Mersi Minis.

MINISTER **ANTONY**
DERJAQUES

Mr Speaker, premye par kestyon, eski *CEO* i kapab reponn?

MR SPEAKER

Wi, *CEO* ou annan laparol.

CEO PARINDA HERATH

Mersi, Mr Speaker. Wi Onorab nou annan en bon kominikasyon avek bann lazans spesifikman *PUC*.

Me selman i annan lenstans parey ou'n eksplike kot i annan serten travay kot nou, nou fer pou repar semen. Malerezman zot bezwen vini re kas serten landrwa.

Rezon pou sa se *PUC* i annan bann vye *network* dan

serten landrwa anba semen. E si zot pa'n sanze oubyen zot pa'n ranplas sa bann vye tiyo, sirtou tiyo pa elektrisite. *Either* delo oubyen *sewage*.

Letan bann travay i ganny fer avek transpor ki pas lo la oubyen avek sa travay ki nou, nou fer nou menm avek bann *compactors* eksetera. Sa bann tiyo i kapab ganny andomaze.

E letan sa i arive napa swa. Nou bezwen les zot kas semen pou aranz bann kase ki'n arive dan zot bann tiyo. Si non i pou kas plis semen e osi pa bliye i pou afekte en kominote ki pa pe ganny delo oubyen akse avek *sewage*.

So, nou annan sa bann korperasyon ant *PUC* e osi sa i enn bann rezon ki zot vwar i annan serten semen ki pa neserman dan bon kondisyon ki nou pa pe *resurface*, aköz nou pe esper *PUC* fini zot bann proze, kot zot annan bann proze pou zot sanz bann tiyo eksetera.

Par egzanp lo dan lavil nou vwar lo semen *Royal Street*, i bann proze ki *PUC* pe fer. I annan plizyer lezot landrwa osi kot *PUC* i ankor annan bann proze pou zot fer, alors nou, nou bezwen esper zot ziska ler zot fini pou nou kapab fer nou proze.

I annan serten landrwa dan ou distrik menm Glacis lo *main road*, kot nou pe esper *PUC* fer serten travay avan nou kapab al *resurface* sa bann semen.

So, sa i en travay ki i en kordinasyon ki nou fer avek *PUC*. E i pe mars ase byen. La Digue i en landrwa spesifikman ki nou pe travay pre avek *PUC*. Me selman byensir i annan bann lenstans kot i, nou pa kapab plan sa bann keksoz 100 poursan. Aköz i annan bann vye tiyo anba semen ki pou kase *anytime* ki menm si letan nou fini met koltar zot pou bezwen aranze. Mersi.

MR SPEAKER

Mersi.

MINISTER DERJAQUES

ANTONY

Mr Speaker, mon a donn en legzanp ankor ki'n afekte en distrik an antye.

Ler nou ti konmanse an 2020, nou ti dir Anse Boileau i semen pli move Mahe. E nou ti promet dan Lasanble ki nou pou fer en keksoz.

Nou'n bezwen esper *PUC* pandan 2an pou zot deside e kote pou met tiyo. A lafen zot in rod en landrwa a kote, kote gos, pa obor lanmer e zot in met sa koneksyon bann tiyo.

Konman zot in fini sa nou'n vini, menm avan *west coast project* i fini, nou'n re sirfas sa semen antye sorti kot Montagne Posee *junction* ziska kot lotel *Canopy*.

Sa i montre ki ennler ou bezwen *ordinate* ou bezwen espere. E pou Anse Boileau nou ti bezwen esper 2an. La aprezan dan milye lavil kot Lari *Royal*.

Lontan nou ti anvi fer en travay, transpor avek *SLTA* e nou pa'n kapab fer li e in pran tou sa bann letan pou *PUC* prezan fer sa ki i pe fer, ki nou vwar toulezour.

Ler zot fini, la nou kapab aranz antye sa Lari *Royal* e nou pou kapab fer nou travay.

Minis Joubert avek mon, preski tou lemwan, 6 semenn nou zwenn. *CEO* Herath, *CEO* Valmont, Minis Joubert avek mon menm avek nou bann *PS* nou zwenn, nou diskite e nou planifye ki mannyer nou kapab *ordinate*. Mersi, Mr Speaker.

MR SPEAKER

Mersi Minis. Onorab Loizeau.

HON NORBERT LOIZEAU

Mersi, Mr Speaker. Bonzour Minis ek ou delegasyon. Mr Speaker, avan mon demann mon kestyon i enportan ki piblik i konnen ki *SLTA* ansanm

avek Ladministrasyon Distrik pa fer bann travay zis dan lizour, nou fer li osi aswar. Parey Merkredi mon, *DA* avek Mr Denis ek en lot *staff SLTA* nou ti dan distrik pou vwar kondisyon semen e osi bann landrwa ki nou bezwen met ankor lalimyer pou konfor piblik. Sa i en lenformasyon piblik.

Mr Speaker, mon kestyon i relye avek semen *Curio Road* elarzisman. Mon'n vwar ki travay pe konmans fer *starting from top* kot lafanmir Simeon. Mon remersi zot pou sa.

Me mon kestyon i al ver sa lot morso dezyenm faz anba, an desandan kot lafanmir Elizabeth, anba miray Bagatelle kot Mr Freddy Louise an desandan kot Mrs Lalanne.

Eski menm kontrakter ki pou fer sa proze ouswa en lot ki pou konmanse pou ki i ava fini ansanm. E kan ki zot espekite ki sa proze semen i ava fini elarzi pou ki i ava tir en pe danze ki anmennen sirtou dan bomaten ek aswar pou bann motoris? Mersi.

MINISTER ANTONY DERJAQUES

Mr Speaker, eski *CEO* i kapab reponn?

MR SPEAKER

CEO ou annan laparol.

**MINISTER ANTONY
DERJAQUES**

Mersi.

CEO PARINDA HERATH

Mersi Mr Speaker. Onorab kot nou'n konmanse, nou pe al desann avek ziska dan krwaze *Curio Road*.

So, pou sa faz ki nou pe travay *widening of Curio Road* i pou konmans la e nou pe desann avek kot nou'n ganny *way leave*. Ziska dan krwaze avek semen Sans Souci. Si sa bann landrwa kot ou pe dir, ou'n nonmen i dan sa *stretch* ki pe desann, i pou enkli dan sa proze. Me selman si i par lao i pa dan sa faz proze.

So, si i par lao nou ava rekonsider li dan bann lezot faz ki pou vini pli tar. Mersi.

MR SPEAKER

Byen mersi. Nou ava terminen lo sa kestyon. E nou ava pran kestyon 141, Onorab Kelly Samynadin.

HON KELLY SAMYNADIN

Mersi Mr Speaker. Kestyon nimerò 141 i *comme swivan*.

Eski Minis i kapab dir sa Lasanble ki son Minister pe mazin fer pou entansifye zefor lo sansibilizasyon popilasyon

konsernan *parking* ilegal sirtou dan rezyon lavil? Mersi.

MR SPEAKER

Mersi Onorab. Minis.

**MINISTER ANTONY
DERJAQUES**

Mersi Mr Speaker. Mersi Onorab. Premyerman i enportan pou note ki deza annan problem *parking*- ki ti deza annan problem *parking* dan lavil Victoria.

Dan sa Lasanble nou'n fer resorti sa bann problem e nou ti osi anonse ki nou pe fer tou pou soulaz vizavi sa problem.

Tou dimoun ki annan en permi pou dray i konnen ki zot devret fer e kwa ki zot pa devret fer.

Me malgre ki dan lepase nou'n enform piblik an zeneral, zot kontinyen pa obeir Lalwa e la nou pe get bann Lalwa *parking*.

Nou vwar, zot in vwar ki nou'n ogmant bann *fines*. Me dimoun i kontinyelman kas Lalwa malgre sa.

Mon rekonnèt ki sa problem *parking* ilegal dan Sesel pe kontinyen ogmante. I annan detrwa faktor ki pe kontribye pou ogmant sa problem e fer li vin bokou pli grav.

Premyerman i annan apepre 1500 nouvo loto ki antre dan sa pei tou-le-z-an. 1500nouvo loto.

Dezyenm, bann fanmir Seselwa ki ti annan en loto ki'n park kot zot pou lafanmir konmela i annan 2 ouswa 3.

Trwazyenmman, devlopman ek konstriksyon lakaz i nepli zis obor lakot. Me in bouz bokou pli o, in al pli lwen i dan montanny.

E kot i ete konmela, sa bann devlopman flat biznes ki par lao, i annan mankman teren pou fer bokou plis *parking*.

Sa i fer ki bann veikil i ganny park ilegalman obor lakot lo grannrout.

Mr Speaker, an sa ki konsern lavil Victoria ankor, akoz son devlopman i ase rapid e i enkli nouvo batiman ek biznes, problemm pe agrave. Par egzanzp nou annan obor lari bazar, *city mall* ki fek ouver.

Nou annan enn bann pli gran bilding ki pe al ouver la Providence obor *STC*.

Partou ou vwar pe annan ogmantasyon dan *office space*, dan bann bilding ki pe monte. E tou sa bann lofis i annan son met, i annan lokater, i annan travayer, i annan dimoun pe vin rod zot servis dan sa bann bilding.

E tou sa bann loto pe antre Providence *Estate* e dan lavil *Victoria*.

Mr Speaker, sa ogmantasyon pe arive e nou bezwen kontinyen e nou bezwen ranforsi sa sansibilizasyon nou bann sitwayen lo kote pou park e pa fer bann *parking* ilegal.

Dan lavil nou pe sey fer sa ki nou kapab e mon kapab anonse sa nouvo *parking* ki *SPA*, 2 semenn ou 3 semenn pase mon ti dir pe al fer plan yer ouswa pe al anvoy kot. Non, la pe al anvoy kot *Planning* pou *approve* e sa pou ogmant *parking space* lanmenm la obor Victoria par apepre 250 nouvo *parking*.

I difisil pou nou kapab *deal* avek en problemm, akoz ler ou kree semen, ou elarzi semen pou fer *parking* an menm tan tou-le-z-an 1500 nouvo loto pa antre Sesel.

Konbyen loto pe sorti lo semen, atraver bann ki ganny *write-off*, bann ki ganny pou andomaze, *PS* yer i dir mon apepre 300.

Savedir i fer ki nou ganny 1200 apepre, i kapab plis. 1200 nouvo loto ki pe park Victoria, ki pe park partou Sesel e ki pe servi nou bann semen. Mersi Mr Speaker.

MR SPEAKER

Mersi Minis. Siplemanter Onorab Samynadin.

HON KELLY SAMYNADIN

Mersi Mr Speaker. Minis dan ou larepons ou'n koz lo bann konstriksyon ki pe annan dan rezyon lavil.

Petet mon ti ava kontan konnen ki sinerzi ki egziste ant ou Minister avek *MLH* pou asire ki tou bann nouvo konstriksyon dan lefitir ki zot annan en fasilite *parking* ki pou benefisyè zot kliyan ensi ki zot *staff* avek bi pou redwir sa bann problemn kot i annan *parking* ilegal dan rezyon lavil? Mersi.

MR SPEAKER

Mersi Onorab. Minis

MINISTER ANTONY DERJAQUES

Mersi Mr Speaker. *PS* Andre i lo *Board Planning*. Sa i fer ki transpor toultan i annan en lizye lo bann proze ki pe ganny *approve* par *planning*.

Me malgre ki nou met sa e tou bann nouvo bilding nou mete kondisyon, parey pou *City Mall* ki dan dernyen, *the latest one*.

Monn al vizite mon menm. E i en pe dan son souteren. Mon pou konte apepre en 20 *parking*. *Ok*, aköz monn park la

osi. Me ler ou get son bann aktivite. Pou annan *games room*, pou annan restoran, i annan bokou laboutik. Kekfwa e 15 nouvo laboutik.

E zot pou bezwen bokou plis *parking* ki sa 20. Zis son bann *tenants* i 20 ouswa plis. Son bann travayer dan sa 20, i bokou plis kekfwa ki 20.

Prezan nou pe regard bann kliyan. Konbyen kliyan pou vin servi sa restoran. E si i annan 100 ouswa 150 par zour e dan en Sanmdi 150, en *week day* 50, kot zot pou park? I annan zis 20 *parking*.

E bann lokater in fini servi sa *parking*. Zot bezwen park la kot *Victoria Market Street*.

Me *Market Street* sak fwa ou pase in fini plen. Kot *taxi stand* par deryer in fini plen.

Ou al anvil *Trinity House* ou pas obor *Quadrants*, bann lokater pe park lo *pavement*.

Mr Speaker, i en problemn Nasyonal. E byento *PS* pou bezwen al *Singapore*, i pou al gete ki bann program ki en pti leta zil ki bokou plis *populated*. Son popilasyon i bokou plis, bokou plis biznes *Singapore*. Ki zot in fer pou zot rezourd bann problemn Nasyonal an sa ki konsern *traffic management*.

E mwan monn fini vwar dan plizyer lannen, si nou pa fer okenn *policy changes*. Si nou

konman en popilasyon nou tou ansanm nou pa *coordinate* ki nou pou fer, nou pou annan bann *traffic jams* enorm, nou pou annan *gridlock*.

Savedir a serten moman pou annan tro bokou loto deza pe pas Victoria e nou pa konnen ki pou fer.

Pei pe vin ase ris ki en serten *poursantaz* nou popilasyon in vin fasil pou zot aste en loto nef. Mersi Mr Speaker.

MR SPEAKER

Byen, mersi Minis. Lezot siplemanter Onorab Georges.

HON BERNARD GEORGES

Mersi Mr Speaker. Mersi Minis pou ou repons e ou konsern ki i annan sa problem *parking*, sirtou dan Victoria ki byen evidan.

Mon menm mwan monn bezwen sorti Victoria pou al rod mon biro en lot landrwa aköz problem *parking* dan Victoria, e mon konnen sa bokou dimoun pe ganny sa problem.

Mon kestyon alor Minis set en kestyon ki monn demann ou pa tro lontan pase, kekfwa en mwan a 6 semenn pase.

Se etan donner ki nou annan en problem *parking* dan Victoria ki *acute* e serye. E etan donner ki lo ou bann sif ki

ou'n donn nou bomaten, i annan 4 loto pe antre par zour dan Sesel, 4 nouvo loto.

Eski ou pa krwar ki ler in arive pou fer *multi story parking*. Pa kot pe propoze fer li aköz i tro an deor lavil, me dan sant lavil li menm?

E mon ava dir an partikilye kot *Stadium car park*, kot *taxi stand car park* ek kot *taxi pirat car park* Lari Quincy. E eski i pa'n ler, ler pa'n arive pou swiv sa ki lezot pei in fer e pou fer bann bilding ki napa *parking* dan Victoria pou pey en serten sonm anver sa bann nouvo *multi story parking*, pou asire ki zot kliyan i ava ganny parey ou fek dekrir, i ava ganny en landrwa pou *park*?

Eski ou pa krwar ki ler in arive pou nou, mon pa anvi anpes *PS* ganny en *trip* pou al *Singapore* o kontrer kekfwa i ava annan meyer nide.

Me eski i pa ler pou nou regard en fason kot pou annan *lock bookings* dan bann *parking spaces* pou fer ki bann *parking* ki reste prezan i ava kapab *accomodate* bann piblik ki bezwen en *parking* ? Mersi.

MR SPEAKER

Mersi Onorab, Minis.

MINISTER DERJAQUES

ANTONY

Mersi Mr Speaker. *Multi story parking* pou bezwen ganny fer a lavenir. I pa tro lwen, i bezwen ganny fer.

E mon kapab dir ou nou departman ki drafte bann *concepts* e ki regard bann *parking* ek bann plas dan Victoria. In fini fer sa travay. E nou annan *the drawings* par egzant pou Stad Popiler pou *parking*.

E nou'n kree sa lespas pou en *4 story building*, avek *2 story* ki *parking* ladan. *2 stories parking* pou sa *huge space* la.

Be pou nou bouz devan nou bezwen lot konversasyon. Akoz Mr Speaker, i annan en pe lenkyetid ki sa pou transform Victoria an antye. Pou annan ki anefe nou ankouraz loto pou antre dan sant Victoria.

Ki mon pe sey dir, ki i annan plizyer lavwa ki pe koze. Nou nou'n drafte, nou'n met li la. E nou kapab montre ou Onorab kwa ki nou'n fer.

Wi Mr Speaker, nou bezwen rod *parking space* e mwan si ou demann mon i pa zis sa, son solisyon i form parti sa seri solisyon.

Nou pou bezwen par egzant *a mon avis* e mon pe esper *PS* pou al fer en bon resers ek son departman lo la. Savedir i pou kontinyen ganny son pti *trip Singapore* an

Septanm, pou zot *come back* avek mon avek en *policy decision* ki mon kapab anmenn devan *Cabinet* ki pou annan bokou fakter ladan.

Par egzant ki mannyer nou pou kontrol ki kantite loto ki pe antre. Ki mannyer nou pou retir par egzant bann vye loto ki pe *pollute*, ki kont sa *concept climae change*, ki pe *carbonise* tro bokou, par egzant bann vye loto dyezel. Nou kapab konmans bann loto dan 60 bann loto ki'n ganny enporte dan 70.

Ki mannyer nou pou fer sa? Ki mannyer nou pou swazir lekel ki kapab aste en loto nef. Par egzant *Singapore* i annan en lotri par popilasyon lekel ki ganny sa privez pou aste en loto nef e pou ou ganny sa privez ler ou'n ganny sa lotri ou bezwen pey en *fee* kot Gouvernman.

E Gouvernman i servi sa *fee* ek sa bann larzan pou zot pey bann met ki annan bann vye loto ki bezwen tir vye loto lo semen, *according* bann kondisyon obzektif.

Parey Lerop i annan en serten polisyon ler ou loto i fer sa ou pa pou ale lo en semen Lerop. I annan tou sa bann kontrol. Be sa osi i bezwen en zefor Nasyonal. Akoz Seselwa, i annan later, i annan loto i nou

pran sa a ker. I enn nou bann privilez konman en Nasyon.

Alor sa sanzman i bezwen byen kalkile e nou pou bezwen *very frank*. Nou pou bezwen fer bann *public meeting* e nou pou bezwen o premyerman develop en Polisi konplet lo la.

Ki mannyer nou pou pey sa? Ki bann regilasyon? Ki bann kontrol? E ki son lefe? Eski i pou *effective, how far* nou pou ale avek?

Mr Speaker, sa deba pou vremen enteresan. Mersi Mr Speaker.

MR SPEAKER

Mersi Minis. Mon annan Onorab Roucou.

HON MICHEL ROUCOU

Mersi Mr Speaker. Minis i annan bann *parking* ki bann dimoun i deza pe servi dan lavil. Parey mon kapab mazin enn, *parking* kot Nation i ete.

Si zot annan plan pou demark sa *parking* ki fer sir poudir se ki plis loto i ganny fasilite pou zot park akoz souvandfwa ki nou vwar, i annan bann dimoun ki pran en pti pe plis lespas zis pou park en transpor. Petet sa i ava ede.

Apré in annan bann landrwa dan lavil kot bann laboutik ouswa bann lofis, ki nou vwar poudir laplipar

landrwa zot pe met bann *cone*, kot sa osi i ede pou bann dimoun al park bann landrwa ilegal. Ki petet sa bann *parking* i a kapab ede pou anpese kot dimoun i park dan nenport ki fason pou blok trafik. Mersi.

MR SPEAKER

Mersi Onorab.

MINISTER **ANTONY DERJAQUES**

Mr Speaker, eski PS Andre i kapab reponn?

MR SPEAKER

Yes.

MINISTER **ANTONY DERJAQUES**

Mersi.

PS PATRICK ANDRE

Mersi Mr Speaker. Bonzour tou dimoun. Bonn apre midi.

Wi nou annan plan pou nou demark tou sa bann *parking* ki pa ankor ganny marke.

Me solman an sa ki konsern kot Nation, parey nou konnen i annan sa *Water Front development* ki pe pran plas. Nou pe esper sa plan fini konkretize pou nou vwar ki bann lezot lespas ki pou reste kot nou kapab parey ozordi pa tou landrwa ki'n sirfas.

I annan landrwa ki dimoun i park dan zerb. I annan landrwa kot i annan serten sirfas.

So, nou pe esper sa plan fini konplete apre pou nou kapab al fer bann *marking*, oubyen osi ogmant sirfas pou nou kapab ganny *parking* ki neser.

E dan tou bann lezot landrwa osi tou kot i annan bann pti *spot* i nou plan pou nou kapab itiliz *the maximum* bann landrwa ki *available*.

An prenon kont lanvironnman, nou pa detri tou bann zarbis bann fler. Me selman nou kapab enkorpor *parking* ansanm avek bann *landscape areas* ki annan.

I dan nou plan. Me selman parey pou sa enn *area* konplet, nou pe esper sa finalizasyon *Water Front* apre pou'n nou kapab met li an aplikasyon. Mersi, Mr Speaker.

MR SPEAKER

Mersi PS. Onorab William.

HON WAVEN WILLIAM

Mersi Mr Speaker. Mr Speaker, mon osi pa kont ki PS i al fer sa pti *trip Singapore*.

Me selman mon pe demande, mon pe mazine poudir lefe ki nou konpran

problenm, nou konpran problenm dan nou pti pei.

So, mwan mon anvi konnen avek Minis par lefe ki sa problenm i pa zis konsern ou Minister, me i *intersectoral*.

Eski sa bann plan desantralizasyon, *Government House* ensidswit, sipoze ganny fer en pti pe partou. Desantralize. Eski sa pe ganny enkorpore ladan?

Akoz letan ou regarde, tou pe *converge* dan lavil.

So, eski zot pe mazin en pti pe lo la, dan sa plan konpreansiv la ki pe mazine? Mersi.

MR SPEAKER

Mersi Onorab.

MINISTER

ANTONY

DERJAQUES

Mr Speaker, eski PS Andre i kapab reponn? Mersi.

MR SPEAKER

Yes.

PS PATRICK ANDRE

Mersi Mr Speaker. Mersi Onorab pou ou kestyon.

Nou annan enn. Nou angaze lo en Komite *Land Use* Komite, ki i get tou bann distrik bann plan pou devlopman dan bann distrik.

E dan sa bann plan devlopman nou fer sir ki bann fasilite pou Gouvernman i ganny aplike otan ki posib dan bann distrik.

Malgre ki nou annan en kantite veikil ki *convert* dan lavil nou'n vwar poudir in annan serten amelyorasyon, akòz desantralizasyon bann aktivite. Par egzanp *PUC* ou kapab pey li dan serten distrik, ou pa bezwen desann anvil. Bann servis ki Gouvernman Lokal pe donnen dan bann distrik.

Menm la *MLH* pe al dan bann distrik pou anmenn en servis pli pros avek kominote li menm, olye ki zot bezwen desann oubyen zot napa sa fasilite pou zot desann.

Me tousala i ganny organize e nou pe angaz nou vreman byen pros avek tou bann lezot antite.

Parey la nou pe angaz nou osi avek Minister Lanplwa, kot i konsern pou nou get *staggering of working hours* oubyen *working at home*. Tousala avek bann lobzektif pou nou kapab fer en diferans.

So, wi nou konfirman poudir i annan sa langazman e nou pou kontinyen avek tou bann antite konsernen. Mersi, Mr Speaker.

MR SPEAKER

Yes, Minister.

MINISTER ANTONY DERJAQUES

Mr Speaker, mon a donn en legzanp konkret. Enn bann rezon akòz nou ti vwar ki dan modernizasyon por Victoria nou bezwen entrodwir en *management information system*, ki nou'n *launch* le 1 Zanvyè sa lannen. Se ki tou bann *stakeholders* ki pe vin retir zot bann *goods*, bann marsandiz, bann *containers* dan por ti pe vizit plizyer lofis.

Me la tousala i *online* e zot pou bezwen kekfwa vizit zis por pou retir zot *container* ouswa zot marsandiz.

So, *digitalization* atraver *VPs office, DICT* pe arrive. An sa ki konsern peyman bann *fees* par egzanp kot *VTS* pou *license*, in ganny *digitalize*.

So, i annan bann servis ki pe ganny *electronically*, ou pa bezwen al labank pou fer transfer pou pey en bil. Ou kapab pey *PUC* atraver ou *computer* kot ou.

So, sa *digitalization* pou ede ki ou pa bezwen fizikman avek en papyè dan ou lanmen al rod en servis Victoria.

I annan *decentralization* pe arrive, i kapab akselere wi. Solman i pran son letan, solman i pe arrive.

Nou pe travay ansanm. Wi Onorab, *it's all stakeholders involve. It's*, nou pe sey fer *one stop shop* par egzanp pou biznes.

Nou pe sey fer ki tou keksoz i elektronik, ki ou kapab travay kot ou, ou kapab ganny ou servis kot ou. Sa lamars konman en Nasyon i bezwen kontinyen. Nou bezwen e *part of the modernization of Seychelles*. Mersi.

MR SPEAKER

Mersi Minis. Onorab John Hoareau.

HON JOHN HOAREAU

Mersi Mr Speaker. Bonn apre midi tou dimoun.

Mr Speaker, parfwa ler ou desann Lari Bazar ou remarke ki i annan bokou bann transpor. Swa ki pe *load*, swa ki pe *unload*, swa ki pe *service* bann laboutik i ganny park.

E sa ennlér i kree lenkonvenyan pa zis pou piblik ki pe marse, me osi si i ariv en ka *emergency* i kapab anpes sekour ariv kot i devret arive.

Mon pe demann Minis si zot pe get dan posibilite pou ki sa bann servis, *servicing* pou bann laboutik e *loading* ek *unloading* i ganny fer pandan en serten *period* ki petet i apre 4er oubyen mon pa konnen en

pe lo granmaten, ki i ava kapab kit sa konvenyans dan sa bann semen Lari Bazar. Mersi.

MR SPEAKER

Mersi Onorab.

MINISTER ANTONY DERJAQUES

Mersi Mr Speaker. Eski PS i kapab reponn?

MR SPEAKER

Yes, silvouple.

PS PATRICK ANDRE

Mersi Mr Speaker, mersi Onorab. Parey nou konnen lannen pase ti annan en nouvo Lalwa ki ti sorti pou restrikte veikil dan Lari Bazar.

E letan nou ti pe konsevwar sa nouvo Lalwa ansanm avek Lapolis. Ti annan bann diskisyon ki ti pran plas avek bann boutikye, ki ti anmenn zot konsern ki mannyer pou zot kapab kontinyen *furnish* zot demann *on a daily basis*.

I annan bann bazardye tousala ki bezwen desann avek zot prodwir pou vin bazar avek. Bann bazardye si oule met li koumsa, zot pe onor byen sa aköz zot desann granmaten avek zot prodwir apre zot sorti zot ale.

Peser i antre tou lazournen i pa zis bomaten oubyen 4er. Me ozordi mannyer ki teknolozi i vini, peser pe antre tou lazournen. Nou bezwen *accomodate* zot osi tou.

Me dan nou bann diskisyon ki ti annan, se ki nou ti vin avek bann propozisyon ki zot fer zot bann *loading unloading of peak*.

Par egzanp apre 5er si oule. Akoz si ou pe pran, i annan serten laboutik ki zot bann prodwir i pa bann prodwir ki *perishable* ki ou bezwen anmenn la pou ou ganny la. Ou kapab anmenn li aswar e fer sa bann delivre.

Mon donn en legzanp, i annan bann laboutik par egzanp Premier Building, ki ou vwar zot apre 6er zot pe *load* zot bann prodwir. Se sa, sa kalite langazman ki nou oule avek bann biznes dan lavil pou fer.

Me i pe pran en pe letan pou nou kapab ganny zot *on board* pou fer zot konpran ensidswit.

Ozordi tou dimoun i oule pran zot transpor pou anmenn dan en laboutik, dan en *supermarkert* si zot ti kapab fer li.

Me nou pe angaz nou, avek sansibilizasyon mon krwar nou pou arive kapab fer tou dimoun konpran poudir nou

tou nou bezwen zwe en rol dan ede pou anmenn sekirite dan semen. Parey ou'n mansyonn Lari Bazar, i annan en gro risk avek tou sa bann transpor. Sa kantite pyeton ki pe sirkile dan Lari Bazar e osi pou nou dekonzeste lavil.

So, i pa zis Departman Transpor me i en travay kot tou dimoun i bezwen angaze ansanm, donn en koudmen pou nou kapab fer sa arive. Mersi Mr Speaker.

MR SPEAKER

Mersi PS. Bon lo *Order Paper* nou ti annan osi en *Question without Notice* dan non Onorab Egbert Aglae, me i pa la pou met son kestyon, alor nou a siprim sa enn.

Onorab *sorry*.

Eskiz mwan si monn tronpe. Wi eskiz mwan, monn tronpe. Kestyon i dan non Onorab Francois Adelaide. Onorab ou kapab poz ou kestyon.

HON FRANCOIS ADELAIDE

Mersi Mr Speaker. Bonn apre midi ek ou delegasyon tou dimoun a lekout.

Minis dabor parey mon bann koleg in dir, mon osi mon zwenn avek zot pou felisit ou departman, tou sekter ki pe fer sa zoli travay depi Anse Royale,

Takamaka, Baie Lazare ek Anse Boileau.

(APPLAUSE)

HON FRANCOIS ADELAIDE

Bann travay ki depi ler monn ne zanmen monn trouve e i pe vin en realite.

Minis mon kestasyon pou ou i, eski Minis responsab pou Transpor lo later i kapab donn detay nou Lasanble lo sa servis semen *Rue Pierre de Possession, ex Francis Rachel*, lo desizyon pou re-transform li sorti *one-way* pou vin *two-way lane*? *Thank you.*

MR SPEAKER

Mersi. Minis.

MINISTER ANTONY DERJAQUES

Mersi Mr Speaker. Mersi Onorab pou ou kestasyon.

Konman parti nou *assessment* kontinyel pou etidye sirkilasyon e konzasyon trafik, i normal pou nou fer serten sanzman oubyen letid ou kontinyelman amelyor sirkilasyon trafik dan sant lavil Victoria e dan Sesel an zeneral.

Nou'n konstate ki pandan detrwa lannen ki trafik dan lavil Victoria in ogmante e en kantite. E parfwa i annan bann konzasyon trafik.

Nou'n osi ekout sa ki bann sitwayen, espesyalman bann drayver ek bann biznes pe dir. Alor se pour sa rezon ki Minister Transpor, *SLTA* ek Lafors Lapolis Sesel in vwar li neser pou fer en *trial* pou en semenn. Pou nou vwar ki pou arive si nou retourn sa semen parey i ti ete oparavan, savedir en *lane* i antre Victoria e en *lane* ou kapab sorti Victoria pou al dan sid.

Nou pou konmans sa Lendi le 10 Zen e bann diferan Lotorite i ava etidye son lenpak. E baze lo rezilta ki nou gannyen ki nou pou fer en desizyon final.

Nou'n konmans sansibiliz piblik lo sa *trial* Mr Speaker e yer mon ti fer en Konferans Lapres pou tou *media* e ti pas lo televizyon yerswar e mon krwar ozordi ankor.

Mr Speaker, i enportan pou note ki si nou retourn sa semen parey avan i pou annan bann lezot aksyon ki nou pou bezwen met an plas, tel ki retir serten *parking* lo semen. Met bann nouvo mark-az ek bann siny, kalme trafik e osi met bann nouvo pasaz pyeton. Pou bezwen annan bann sanzman ki permanan, ki nou pa ankor mete aköz pou sa moman Lendi le 10 i en *experiment*, i en *trial* pou nou etidye kwa ki nou kapab fer atraver *traffic*

management. Mersi, Mr Speaker.

MR SPEAKER

Mersi. Onorab Adelaide si ou annan siplemanter.

HON FRANCOIS ADELAIDE

Wi Mr Speaker. Mersi Minis pou ou larepons. Annefe ou'n kouver bokou bann kestyon ki mon ti annan.

Petet Minis eski ler zot pou fer sa *trial* ki lentansyon zot departman. Eski zot pe anvizaze anmenn plis transpor dan lavil, ouswa zot anvizaze tir plis transpor dan lavil?

E osi lo sa semen, eski pou annan petet bann restriksyon pou groser transpor avek zot bann tonaz? Mersi.

MR SPEAKER

Mersi Onorab. Minis.

MINISTER ANTONY DERJAQUES

Mr Speaker, nou pa pe tous ki kalite transpor ouswa veikil i kapab servi sa semen, sa sanzman ki nou pe fer dan semen.

Nou pou les li parey i ete, sansan nou pou tro enterfer avek sa *trial*. Sa *trial* i bezwen reste obzektif, i bezwen reste parey trafik i ete ozordi. Fer sa sanzman gete ki son lenpak pou

nou kapab *assess* pou nou kapab fe en desizyon pou lavenir.

Mr Speaker, sa i en lesey. Nou lentansyon se pou diminyen sa bann *traffic jam*. Dezyenmman, pou fer li pli fasil e regarde si i pli fasil pou bann loto ki lo *car park* Stad Popiler pou sorti olye pou al anver Lorloz. Zot al direkteman kot *round about Francis Rachel*.

E osi bann loto ki'n konmans kot Lorloz. Savedir zot in sorti kot Lari Albert, zot pe desann menm, zot pe pas dan milye lavil olye koup *Independence House*. Zot ale drwat, zot ale zot al kot *round about*, zot kontinyen zot al *south*.

Alor nou anvi ki *traffic* i kapab *move*. Pa zis retir dan Victoria, me kapab bouze dan en fason pli lib.

Nou vwar ki dan apre midi i annan fristrasyon, i annan *traffic jam*. Nou vwar ki bann dimoun ki krwar ki fasil pou zot al *south* sorti lo *car park*, zot in ekrire zot in demann ou annou seye pou nou regarde.

Alor Mr Speaker, dan en fason obzektif, dan en fason reel dan en fason kalkile ki nou kapab ede pou *deal* avek sa problem trafik, nou anvi fer en *attempt* en *trial*.

Si i marse sa pou tre bon. Si pa marse e nou fer en desizyon ki i pa pou marse a lavenir, nou pou bezwen regarde alor ki nou pou kapab fer. Mersi Speaker.

MR SPEAKER

Mersi. Nou preski a lafen, mon a pran en kestasyon siplemanter. Onorab Bistoquet.

HON ANNE BISTOQUET

Mersi Mr Speaker. Bonn apre midi *panel*. Minis mon kestasyon i an swivan ou dernyen larepons.

Akoz nou konnen poudir dan *peak hours* prezan nou pou annan zis en *lane* pou antre dan Victoria la.

Si an ka sa pa marse, eski zot pe mazine pou kekfwa fer en trwazyenm *lane* ki nou ava annan sa de *lane* ki antre dan Victoria, me kekfwa nou ava ganny en lot *lane* ki sorti *car park* pou sorti an deor lavil.

Mon konnen poudir kekfwa teren lespas i en pti pe kwense, me si zot pe mazin lo la si an ka sa enn pa marse. Mersi.

MR SPEAKER

Mersi Onorab. Minis.

MINISTER ANTONY DERJAQUES

Mr Speaker dan lepase *SLTA* ek Transpor, mon krwar de ouswa 3 fwa in anvoy sa plan kot *Planning* pou sa *third lane*.

Toultan nou annan serten obzeksyon. E mon a donn de lobzeksyon ki *Planning* pa'n *approve* sa plan dan lepase.

Enn, se i en *promenade* e pou met ankor en *lane* i degiz lavil Victoria.

De, i annan de moniman enn obor sa *round about* in fini dan son kwen i pa pou ganny afekte. Me i annan en lot ki pli obor sant Victoria obor *Chaka shop*, li i pou bezwen ganny bouze.

Lanvironnman dan lepase ti annan sa *issue* i annan apepre 5 gran pye dibwa flanbwayan e si nou fer sa *third lane* zot pou bezwen ganny koupe.

E malgre ki sa *green space* olye vin gran, i pou redwir pou vin en met. Pou annan *green space* la, solman i pou en met e nou kapab replant bann nouvo pye dibwa. Lanvironnman ti obzekte.

So, i annan 3 rezon, enn eski nou pou degiz nou lavil tro bokou? De, eski bann moniman e ki nou leritaz pou ganny afekte? E trwa, si nou pou afekte nou lanvironnman?

Sa ti bann rezon dan lepase e i ankor la en pe. Alor a

lafen pou bezwen annan en balans. Alor Mr Speaker, se sa, sa larepons, akoz i pa'n arive. Mersi.

Mersi Minis. Bon avek sa nou'n ariv a lafen sesyon kestyon pou sa bomaten, sa lazournen. Mersi bann Manm pou zot kestyon. Mersi Minis ek ou delegasyon pou zot repons. Fotespere in eklersi plizyer size pou nou piblik.

Sa i osi lafen nou travay pou ozordi akoz nou napa Lalwa ki'n pare pou nou konmans pran.

Donk, Lasanble pou *adjourn* la e nou pou rebran travay Mardi prosen 9er. *Adjourn.*

(ADJOURNMENT)